

Astron.

486

Opt. Astronom. 840.

HIERONYMI SIRTURI MEDIOLANENSIS

TELESCOPIVM:

Siue

ARS PERFICIENDI NOVVM
ILLVD GALILÆI VISORIVM IN-
strumentum ad Sydera

IN TRES PARTES DIVISA.

*Quarum prima exactissimam perspicillorum artem tradit,
Secunda Telescopii Galilæi absolutam constructionem, & ar-
tem aperte docet.*

*Tertia alterius Telescopii faciliorem usum: & admirandis
Adinuenti arcana patefacit.*

AD SERENISSIMVM COSIMVM II.
MAGNVM ETRVRIÆ DVCEM.



F R A N C O F V R T I.

Typis Pauli Iacobi, Impensis Lucæ Iennis.

M. D. C. X. VIII.

573, f. 8

7.2

hatten,
840

S E R E N I S S I M O
 COSMO II. MEDICAE O
 MAGNO ETRVRIA E D V C I
 atque
 PRINCIPI VIRT VTE MAXIMO

Hieronymus Sirturus S.D.

*Soli Virtuti tuae MAGNANIME PRINCEPS hoc
 debebatur opus, nō tantum Maiestati, quam
 lādere scelus esset, & rem tibi sacram ad aliam
 traducere aram. In hoc serio incubui, quia cum
 tu probasti uniuersus applausit Orbis. Artē igi-
 tur, quam olim tam benigne suscepisti, nunc meo
 studio & labore absoluta me ego tibi consecro SE-
 RENISSIME PRINCEPS, primo inquam, qui a tibi
 debetur; deinde quia ut aliquid tuū tibique di-
 catum scio nullibi religiosius posse custodiri, et
 Principis reuerentia, et populorum studijs. Ut
 vero aliquid meum fuit, cogitaui niletiam feli-
 cius illi posse contingere quam in eū suscipi præsi-
 dium, quod ipsamet Virtus sibi quæsivit cum à
 Regijs cæpit exulare: ibi in tuo Regno tanquam
 in suo libere & tuto residet. Adfuit cunabulis*

) (2 tuis

tuis & omni gradu atque momento te comitatur: Omnes Discipline & Artes quae ab ea proficiuntur, penes te semper in honore, quod est indicium optime instituti Principis atque Principatus; Ex quibus licet metiri Magnitudinem Tuam, non ex Provinciarum latitudine, aut multitudine hominum, sed ex populorum antiquitate, disciplina, studijs: ex Principis institutione, regimine prudentia, moderatione & alijs Virtutibus, quae MAGNI nomini plus addunt pulchritudinis, quam inuidiae. Has in te veneror POTENTISSIME PRINCEPS ut aliquando meminisse digneris optimos & sanctissimos Principes, non a suis tantum, sed ab exteris etiam optari, amari, colicitra inuidiam posse & deberi; licet quicumque penitus te nouit, ac Regiam Medicam, cum idem palam fateatur atque prædicet, ne queat non amare, non reuereri, alios non allicere; quod unum meredit a calumnia, & ab omni suspicione, scilicet plures habere qui eadem dicant, paucos autem de quibus eadem dici possint. VIVAS FLOS DVCY M
atque Italiae DECVS, diu felix Amplitudini patriæ, bono pacique publicæ.

Ad

Ad Lectorem

PR̄omiserām à sexennio hunc librum, vt in Cat-
 talogo librorum anni 1612. curiosi depræhen-
 derunt: multa dissuasere, nonnulla etiā prodeun-
 tem remorata sunt excusatione digna; nunc ha-
 bes fidem promissi: habes & vnde ars hæc ema-
 nauerit: altiorem indaginem ego per ambages
 non ostentabo; illud certum est, inter tot artes,
 quas aut hominū industria inuenit, aut aboleuit
 incuria, nullam nobiliorem aut celebriorem ex-
 titisse, vtpote quæ docet augere sensum visus o-
 mnium nobilissimum. Cogita aliam artem de-
 nuo exurgere, quæ duplo augeat humanas vires,
Auditum vel acuat ita vt à duobus stadijs intelli-
 gat loquentem, aut Olfactum siue Tactus mol-
 litiem duplo intendat; harū quælibet certe cun-
 ßis afferet admirationem, adeo vt nemo sit qui
 pretio quolibet non redimat artem, tu vero gra-
 tuito aliquid maius habes, quod nihilominus
 more præsentis æui periisset, nisi spiritum & ani-
 mam dedissem. En igitur artem vnde quaque
 absolutam, claram, nullis inuolucris tectam, li-
 bere tibi aperio & trado, nil ex fide reticēs quod
 ad faciliorem intellectum faciat; Atque ideo nu-
 do simplicique stilo, amota ambitiosa verborum

(3 copia

copia, & ināni ostentatione, vſus ſum, imo & aliquando vulgaribus artis vocabulis, ne ſtudioſum traducerem per forum artis nomina quærantem. Alia inſunt quæ circumſcribēda erant, nonnulla aliter exprimenda, in quibus omnibus facilitatem cum breuitate proſpexi: Moneo tamen huius artis ſtudioſos, ne leuiter transmittant, ſed attente & ſæpius legant, vt certa ratio & vſus menti imprimatur, cætera ſæpius efficiendo asſequeris. Vale & fruere.

Index

Index Capitum

Prima Partis.

- Cap. I. De Perspicillis præcognoscenda quædam.
Cap. II. Quis & quorūplex perspicillorum usus.
Cap. III. De hodierna huius artis corruptela.
Cap. IV. Diuīsio & circumscriptio spicillorum ex eorum proprie-
tate.

Ibidem De Planis De Connexis De Cauis.

Ibidem Tabula de differentijs spicillorum & de proportionibus Te-
lescopij

Cap. V. Declaratio Tabula.

Secundæ Partis

- Cap. I. De Constructione Telecopij.
Cap. II. De Ratione paranda laminæ planæ.
Cap. III. De præparatione formæ qua perficit conuexum lentis.
Cap. IV. De globulo ferreo ad peripheriam Galilæi cauum spicillum
Telescopij perficiente.
Cap. V. De Vitro & Christallo dignoscendo & diligendo..
Cap. VI. De Christallo naturali vulgo Montano.
Cap. VII. De lente rudi ex officina diligenda.
Cap. VIII. De latitudine & crassitie lentis.
Cap. IX. De Capulo & de bitumine quo lens affigitur.
Cap. X. Qua arte, & quibus cautelis lens perficiatur.
Cap. XI. Smiris poliendo Christallo ut præparetur.
Cap. XII. Lens & spicilla qua arte leuigentur & expoliantur.
Cap. XIII. De Smethicis, Stanno combusto, Aqua forti, Aceto.
Cap. XIV. Tripolis laudatur, deligitur & præparatur.

Cap.

Cap. XV. Globulus ferreus quomodo operi aptandus.

Cap. XVI. Cauum spicillum Telecopij ut perficiatur.

Cap. XVII. De spicillo ex una parte tantum cauo.

Cap. XVIII. Summatim de Perspicillis communibus.

Cap. XIX. De præparatione tubi in quo lens cum spicillo componitur.

Itidem Tubus delineatur, & obiter de refractione.

Cap. XX. De Tubis cartaceis componendis ad experimentalis & spicillorum.

Cap. XXI. De Circino secante huic arte per necessario.

Cap. XXII. Summatim recensentur accidentia qua interuertant Telecopij opus.

Tertiæ Partis

Cap. I. Facilior alterius Telecopij fabrica monstratur.

Cap. II. De admirando authoris Telescopio triplici.

Cap. III. Ordo eiusdem Telecopij parandi.

Cap. IV. De Tabo.

De



P A R S P R I M A.

De Perspicillis præcognoscenda quadam.

C A P V T I.

De perspicillis egit sat dilucide intelligentibus perspectiua communis. Ex professo autem Maurolycus Abbas Messanensis insignis Mathematicus in suis libris de lumine & umbra tractatū inseruit de perspicillis, sed demonstrationib. nec vſus est, nec singulare quodpiam aut ignotum retexit, præterquam, Anatomiam oculi à Vesalio mutuatus, distinet conatur probare visionum effectus per vniuscuiusque membrulæ vires, quod est difficillimū. Hunc imitatus Porta Neapolitanus scripsit de perspicillis, & de speculis combustoriis, sed hanc doctrinam prius tradidit Vitellio cum ageret de diaphanis, de speculis planis & cōuexis, de refractionibus, & alia quæ faciunt ad perspicilla ad lentem, & ad Telescopium cōuerti possunt, & inde excerpti. Recentius sequutus est Ioannes Keplerus: qui ante annos aliquot in Opticis de perspicillis egit, deinde (sæculo magno Galilæi adiuento plaudente) librum Dioptrice exarauit ad Electorem Coloniensem, in quo distinctius de perspicillis, de lente pura, mixta, de lente seorsim, iunctim, de Tubis & alijs Telescopij admirandis variam aperuit doctrinam, atque omnia per sua principia

A &

Maurolycus

Porta

Keplerus

Aguilonij
 & demonstrationes tam ordinate persecutus, ut iure optimo primas eorum qui de hac re scripsierunt, illi debeant. Omnia postremus Aguilonius Belga insigne Opticoru opus edidit, in quo omnia quæ ad refractionē pertinēt, dilucide, distincte, acute tractauit, magnum ingenium supra cæteros se exerens, multa quærenſ, multa inueniens: Sed ex his omnibus nemo quidquam aut certe parum contulit, quod faciat ad artem nostram, vel ad usum. Spero imo artem hanc alios excitaturam ad noua & meliora meditanda, incredulos alios ad resipendū, alios etiam qui inconstantibus demonstrationibus nō nisi adeuinare contendunt, & mortalitatem friuolis & inanib. fatigant, certiora loquēdum. Eia exerceant se, & excutiant rationibus Mathematicis siue opticis ea quæ sparsim in nostro opere tetigimus, de refractione coarctanda & huius coarctationis terminos: De quantitate, crassitie, & figura lentis,
cur ars determinauerit, scientia nequaquam de sectione,
& quantitate formæ, de inclinationum gradibus, de am-
bitu lentis siue in conuexo siue in plano eiusque propor-
tionalitate. De concursu, veriora: de situ foraminis, incer-
to tubiloco: de proportione caui ad lentē, cur nulla alia
conueniat; de cauitate terminata: de caui crassitie, & plura
alia quæ Optici non vident, ne dum intelligunt; & cum
hæc euaserint, postrema libri & Telescopium ex dupli-
lente alias tricas iniiciet, à quibus haud facile se expe-
diant, aut si hæc omnia terrent, in id vnum saltem incum-
bant, inuestigare cur idem artifex in eadem forma, eadem
christalli materia, vna lente absoluta, aliam similem perfi-
cere nequeat. Scio Principes & Reges Venetiis quæsiuis-
se & ab ipso Galilæo simile Telescopium priori nemini-
nemque satisfacere potuisse; Imo ipsum Galilæum mul-
tum

tum prodegitse pecuniæ ut casu elaboratas (nolebat enim artē docere) lentes complures ab illis opificibus extorqueret, inde multi, præsertim qui proni in suspiciones, credidere casu adinuentū; Inuidi alij proteruiori ore minime vera, quæ offerebantur, adeo ut temere ad calamum venerint. Verum hisce omnib. non obnubetur fama, nec immortalis honos qui eximio sæculi viro debetur. Sciunt prudentiores arcanum, quod mercenariorum ope indigeret (in hoc laborauimus, ne amplius indigeat) potius suppressum, ne ad eorum manus veniret, qui minimo magna prostituunt quam ignoratum; sed rideo, atq; non imprudens dissentio. Non est hæc ars plebeia, aut sordida nec in doctorum hominum, ex ratione pendet qua sæpe carent, ideo nunquam assequuntur, & si assequantur plus illorum interest ducenta spicilla laborare, quam lentem vnam. Credite ergo artem nostram editione hac minime euulgari, sed euehi in sublimius. Cæterum vos, quos liuor in exteris diuexat arguite nostra, sed ambitionis magis quam auaritia: Ego non vltra sustinebo optimum adinuentum latere, sed volo monumenta hæc, & benignioris nominis fauores circumferri etiam ad posteritatem, illius itam magis reformidans ignauus, quam nimium solers & beneficus, & quantum possim Magnatibus, ad quos hæc spectant, prodeesse, & vel inuidia conspici quam auaritia latere. Prodeat ergo sub tanti Principis auspiciis. Quod felix, faustum, fortunatum-que sit.

A 2 CA-

Quis & quotplex perspicillorum usus.

C A P V T I I.

Myopes Presbytæ

PLurimæ artes, quæ visus acumine, & valida oculorum acie indigent, ut assidua lectio, scriptitatio, cælatura perspicillorum usum exposcunt, & hanc artem induxere. Senes præterea, & ii quibus natura aut morbo breuis & labefactatus est visus, hi Myopes illi presbytæ ab Aristotele vocantur, necessario hoc indigent adminiculo vnde multiplices emanant perspicillorum differentiæ.

Nonnulli tardius aut citius perspicillis indigent, idque ex pluribus causis oriri operæ pretium erit demonstrare. Literati imprimis, qui assiduis studijs se macerant, sæpe fatigant oculos, non solum immoda lectione, & studio, verum librorum, minutis literis quib. nil citius visum habet, adeo ut vnius huiusmodi libri lectio oculorum sanitatem in discrimen adducere possit. Monet perspectiva obiecta basi pupillæ minora visionem efficere dolorosam, ut potenimis coarctans radios, cuius rei experimentum præbet caui spicilli transuerberatio, siue refractio, quæ eum radios ad centrum præstringat, oculos laedi necesse est.

Secunda causa, quæ accelerat usum perspicillorum, est luminis deficientia, loci obscuritas, aut lychni parcitas, quibus oculi dum assuescere conantur, Vim suam magis intendunt, & violenter semper intuendo citius hebetantur.

Tertia causa ex hominum incuria nascitur, qui nesciunt fibit eperare, aut præcauere à noxijs, cum scilicet fatigati, &

ti, & sudantes obijciunt se fenestræ, rimæ & vento: aut gelu constipati statim igne accedunt, aut è contra ex ardenti hypocausto aut ab igne recedentes exeunt in liberiorum aerem, atque frigidissimum, hoc est ab uno extremo ad aliud tenuissimas membranulas traducunt, vnde capitales intemperies, oculorum suffusiones, lachrymationes, lippitudines & alij morbi.

Quarta causa sunt ægritudines, diuturni morbi, venæ frequens incisio.

Quinta causa est vita incontinens, libido, gula, immodicæ potationes & alia, sed hæc à medicis petenda, quibus me non immisceo. Moneo tamen literatos temere non assuefcere perspicillis, sed cum ratione & delebetu, atque oculorum aciem maiori cura custodire, debilia enim sunt sapientum capita vt Leuinus Lemnius medicus notauit ex Platone, & minima quaque re facile laeduntur.

Ex his causis emanare solent perspicillorum multiplex vsus, & differentiaz, sed potior & frequentior in senibus, ideo de Perspicillorum diuisione, & differentijs dicendum & docendum, sed antequam eo deueniam dicam.

De hodierna huius artis corruptela

C A P V T III.

Intermala quæ cottidie ingrauescunt, ijs quæ torquent humanitatem humanius est remedium præbere. Perspicillorum adinuentum, utile & necessarium in perniciem degenerauit, & quæ saluti hominum parata sunt, hominum auaritia detimento vertuntur. Iam labefactant

Etant visum, & citius in senectutem deducunt homines, quam seruent. Primo, casu, non arte fabricantur, secundo deliguntur quæ minimo constant non ex ratione, & ita deprauatur ars antequam perficiatur. Nullus vitri aut Christalli delectus, spissum, nigrum viride, opacum perinde est: formarum ratio nulla, nec proportio, nec æqualitas, non torno, non lima, sed malleo efformantur ut faber cuderit ita admittuntur. Politura, Deus bone, qualis? Aquaforti Romæ, Venetijs & alibi absterguntur, si quam proportionem casu sortiantur illam exedit politura, si vitium contraxit vitrum laborando, politura abstergit, ita oculis admota huiusmodi spicilla perniciosum exsudant humorem obcæcare solitum. Præterea ut quis intemperans sensu fallitur, emunt perspicilla, quæ visibilia augeant, magis atque magis, spatio sex mensium ea iam non augent, igitur alia querunt tertiae aut quartæ differentiæ, non sentientes detrimentum. Artifices qui vendere cupiunt, incautos & simplices nec monent. Corrigenda hæc ars & imperitia, atque monumenta tradenda quæ penes eruditos seruentur.

*Divisio & circumscriptio spicillorum ex eorum
proprietate.*

C A P V T IV.

3.5 p. 21 Non genere **S**picillorum doctrina & consideratio magis est Physica quam Mathematica, ita sentiunt & ipsi Mathematici. Tutius igitur adnitemur physicis rationibus, & experientiæ, quam Mathematicis siue Opticis demonstrationibus. Spicillorum alia sunt plana, alia conuexa, alia caua.
Spicil-

T. plam
Spicillum planum est diaphanum simplex sine figura aptum debiles oculos sustinere, & conseruare ne magis debilitentur dolorosa aliqua visione.

*11. Convergentia
presbytis.*
Spicillum conuexum est diaphanum determinatae proportionis & conuexitatis aptum educere à senibus debilitatam potentiam visuam, ut perspicacius obscura discernant.

III. Convexum /
Spicillum cauum est diaphanum determinatae proportionis, & cauitatis aptum diffusam, ægritudine, aut natura oculorum vim congregare, ut perspicacius confusa discernant.


De Planis.

*V*Itri vtrimeque plani usus conseruandis oculis conductit, inde vulgo nomen habet apud Italos & Hispanos *Conseruatio*: Nonnulli etiam qui ægre sustinent lucem, aut debilitato visu lachrymantur ad spectu clarioris aeris, aut legendo, utiliter vntuntur. In Hispania potissimum frequens est usus tum hac ratione, tum ad tegendos affectus, & oculorum vitia; & nonnulli etiam quo illis mentientib. firmior sit frons in negotijs peragendis. Cæterum plurimi in ea regione ad grauitatem & authoritatem facere existimant hoc nasi ornamentum, itaque quaque versus habes obuios. Itinerantibus hæc supplex valde necessaria, præsertim hyeme & in ijs regionibus, in quibus perpetuo flant venti apti homines obcæcare; in aliis quoque regionibus, vbi ventus, frigus, puluis, præsertim si aduersus feriant, maxime lacerare solent, oculos tueri potest custodia hæc quam plerique dediantrur: Ego laudo & commendō usum.

De

De Conuexis.

COnuexorum usus satis patuit, nunc de proprietate quomodo insit & fiat ut visibilia maiora indigentibus referant, non indigentibus obscura & confusa demonstrandum est.

*De*

Declaratio præcedentis Figuræ.

- a Diaphanum utrumque conuexum.
- b Radius irrefractus siue axis, siue perpendicularis ex interiori pupilla prodiens.
- cc Radj debiliores qui recedunt à centro quarentes subtilius diaphanum ut transeant & ita refringantur.
- dd Radj refracti conuergentes ad perpendicularem ut certa & determinata distantia concurrant.
- e Visibile ante concursum incidens sub maiori angulo, & ideo maius repræsentatur.
- f Visibile adhuc ante concursum incidens sub minori angulo priore, & ideo minus repræsentatur.
- g Visibile post concursum incidens, ideo diminutum videtur.

De Causis.

CAUA spicilla, adminiculum illis qui diffusam habent oculorum aciem, hanc habent proprietatem congregandi radios ad centrum, vbi facta refractione quo vsque perdurat violentia, siue oculorum intensio, & producit radios fere parallelos, eo vsque fit visio, & quicquid incidit sub ijs angulis videtur, prout est, aut paulo minus, postea radj sequentes naturam oculi difluunt, & recedunt à visibili, ita ut maneat iuuibile, & euanescat.

B TABV.

Declaratio Tabulae ut attinet ad Telescopium

C A P V T V.

HÆc Tabula totam perspicillorum & ipsius Telescopii artem complectitur. Semidiameter qui est à punto A. centri ad summum peripheriæ B. diuisus in duodecim partes æquales ea ratione, & proportione, quam mox intelliges, est proportio, & semidiamiter lentis Galilæi.

Portio siue sectio peripheriæ C.B.D. est ipsius met peripheriæ portio. 19. grad. quæ est mensura & norma formæ in qua elaboranda fuerint spicilla communia, maiori enim indiget inclinatione & refractione. Sed portio formæ lentis Telescopii ex eadem peripheria abscindendæ sufficiet 12. grad. in lente enim foramine coarctata inclinatione nulla est & radij refringuntur paralleli, refractionem, quod sit maxima, id pendet crassitie lentis, vt alibi demonstrabitur.

Duodecima peripheria quæ ordine proportionū delineatur in summitate, & cuius centrum est in semidiametro diuisio duodecima, postrema est artis, & raro perspicillorum vsu venit, sed Telescopii vnica est, præcipua cum vtrimeque excavatur vitrum.

Hæc peripheria non est eadem cum peripheria Galilæi quæ inscribitur & denotatur per X & per Z quæ illius centrum est; Verum quia in mea diuisione artis proportionaliter se habet ad omnes diuisiones, & ad alias formas, ac præterea, non solum mea industria aptatur Tele-

Forma spicillorum maior.


Forma lentis Telescopii curvior.


V G A I

sco-

TABVLA COMPLECTENS EXACTISSI-
MAM PERSPICILLORVM ARTEM, ET ADMIRAN-
DI TELESCOPII PROPORTIONES.

Ad Paginam 12.





Scopio sed etiam alios insignes usus praebet in arte, ideo utriusque exemplar tradidi ne quidquam omitteretur quod à studio desiderari posset. Suadeam tamen in parandis instrumentis ad Telescopium ut peripheriam minorem Galilæi amplecteris, & ingeniosa solertia rotundum, ac optime levigatum globulum ferreum tibi compares.

Declaratio Tabulæ ut attinet ad spicilla conuexa.

Solent rudes perspicillorum differentias sumere ex extatis differentia, ita ut prima differentia sit ab anno quadragesimo ad quinquagesimum, & sic de cæteris, postremam tribuentes ijs qui cataracta laborarunt, sed huic diuisioni ego non assentio ea potissimum ratione, quia ut dictum est plerique ipsiusmet perspicillis visum sibi labeant. Nil credite sanitati consultius quam in primis spicillis non errare, & querere spicilla quæ minimum augent visibilia.

Prima ergo differentia signata I. & litera E. quæ est sectio peripheriæ C. B. D. & eadem Telescopii, in perspicillis apud Hispanos (inde hanc proportionem habui) vulgo dicitur *vista commun*, quia nulla frequentior in arte.

Secundalinea signata F. non est secunda differentia ex mea diuisione, quia si expendatur angulus tam parum inclinatus ab angulo prioris, ut eandem differentiam datur sit sola ratio maioris ambitus aut maioris sectionis formæ, ideo consulto omisi, seruo tamen ordinem numerorum, ne fiat æquiuocatio.

B 2

Et

Et pro secunda differentia sit linea tertia signata G. cuius centrum est tertia diuisio, hæc dabit sectionem lineæ ad cuius mensuram fabricanda sit forma.

Ratio autem sectionis in conuexis petenda est ex intersecatione subtensæ arcus C.B.D. & ubi subtensa intersecat primam lineam in a. secundam in b. tertiam in c. quartam in d. quintam in e. sextam in f. in iis in qua punctis scindendus est diameter formæ perspicilli; exempli gratia diameter septimæ formæ erit à punto g. in aliud punctum g. in eadem subtensa. & diameter quintæ formæ erit à punto D. ad aliud punctum d. in eadem subtensa.

Tertiæ differentiæ erit linea quarta notata litera H. cuius centrum est diuisio semidiametri quarta.

Quartæ differentiæ linea est quinta notata I. cuius centrum est diuisio semidiametri quinta.

Quintæ differentiæ linea est sexta notata K. cuius centrum est diuisio semidiametri sexta, vulgo *mezacataratta*.

Sextæ differentiæ linea est septima notata L. cuius centrum est septima diuisio, vulgo *catarattaintiera*.

Sex igitur habes differentias conuexi perspicilli, si quæ aliae adstruantur, præter artem erunt.

Hæ differentiæ in perspicillis regulares sunt & simplices quando ex una parte conuexa sunt, ex altera plana.

Cæterum componi solent, ut ex una parte sit una differentia conuexa, ex altera, vel eadem vel altera differentia.

Compositæ differentiæ.

Prima componitur cum prima
Secunda cum secunda

{ Prima cū secunda
vel { Secunda cū tertia
Tertia

Tertia cum	Tertia	Tertia cum	Quarta
Quarta cum	Quarta	Quarta cum	Quinta
Quinta cum	Quinta	Quinta cum	Sexta
Sexta cum	Sexta		

Aliæ compositiones præter has male cohærent, nec sunt proportionales.

Declaratio Tabulæ ut attinet ad spicula causam.

Primæ differentiæ caui est linea octaua notata litera M. cuius centrum est octaua semidiametri diuisio.

Secundæ differentiæ est linea nona notata litera N. cuius centrum est nona diuisio.

Tertiæ differentiæ est linea decima notata litera O. cuius centrum est decima diuisio.

Quartæ differentiæ linea interiicitur, notatur litera P. & sumitur ex centro notato litera V. quod est dimidium decimæ diuisionis.

Quintæ differentiæ est linea vndecima notata litera Q. cuius centrum est vndecima diuisio.

Sextæ differentiæ linea rursus interiicitur, & sumitur ex centro notato litera T. quod est dimidium duodecimæ diuisionis.

Septimæ differentiæ linea seu peripheria, est diuisio duodecima Telescopio magis usui est, perspicillis, pertaro.

Ratio autem sectionis formarum que fit per subtensam arcus C.B.D. tam in cauis quam in conuexis optime incidit, nec maiores aut minores formæ esse debent. Sed ar-

B. 3: tifici-

tificibus qui bina simul elaborant perspicilla nimis angustæ siue exiguae videbuntur. Ratisbonæ vidi fundo prægrandis aheni duos pueros eodem tempore bina adfricare perspicilla. At regula nostra studiotis & curiosis tantum prescribitur, ut singulatim in præscriptis formis quarum ratio ex inclinatione refractionum petitur) current sua perspicilla perfici.

In cauis & globulis ferris cauendum, ne globuli diutina fricatione atterantur, & suam proportionem ammittant, aliaue inducatur vt in officinis cottidie euuenit. In constructione Telescopii Cap. xv. satis præcaui, vt semper integra seruetur globuli proportio.

Cur autem cauerorum perspicillorum septem sint differentiæ seu formæ, cum conuexorum non ultra sex prescribatur: Si memineris nos dixisse differentias conuexorum maiori ambitu, seu breuiori manus gyro, aut maiori, siue maiori forma vt solent artifices vti, augeri & minui differentias siue gradus spicillorum, intelliges in angusta globulorum sectione idem fieri non posse & ideo numero augendas differentias.

Vt autem septem essent, interieci duas peripherias, nempe quartam, & sextam, quia à decimal linea ad undecimam, & ab undecima ad duodecimam ita inclinant peripherię, vt nulla seruaretur proportio, nec artis ordinis per hos gradus, & inclinationes proportionales. Differentiæ igitur spicillorum ex inclinationibus sumuntur & dignoscuntur.

Sunt & cauerum, quemadmodum conuexorum, differentiæ aliæ simplices, aliæ compositæ, simplices cum ex una parte spicillum excavatum est, ex altera planum; compositæ cum paritione ac in conuexis componuntur ex quaue parte.

Prima

Prima cauorum differentia componitur cum prima
 Secunda cum Secunda } Prima cum Secunda
 Tertia cum Tertia } Secunda cum Tertia
 Quarta cum Quarta } vel Tertia cum Quarta
 Quinta cum Quinta } Quarta cum Quinta
 Sexta cum Sexta } Quinta cum Sexta
 Septima cum Septima } Sexta cum Septima
 Hæc compositio vsui esse posset etiam in Telescopiis
 si diameter primæ differentiæ conuexi prolongaretur
 duplo vel triplo, vt vidi Venetiis, sed cum sit præter ar-
 tem, & frustra fiant per plura quæ compendio possunt
 haberi, de iis verba non faciam. Addo quod Telescopia
 illa instar perticæ nulli sunt vsui etenim defigi necesse est
 vt collimentur ad aliquod visibile, cæterum nemo tracta-
 re potest, nec maiorem habent refractionem quam Te-
 lescopium nostrum.

PARS SECUNDA

De Constructione Telescopij.

CAPUT I.

EGide perspicillis vt potui breuius & dilucidius, quod
 necessum erat præmittere, vt fabrica Telescopij intel-
 ligeretur, in qua prosequenda, vt tota materia est de per-
 spicillis, ita multa sunt communia, & hinc, & inde peten-
 da si quæ desiderantur. Sed antequam eo veniamus, de
 inuentione agendum, & dicendum ad fidem, vnde, &
 quomodo, & quid actum fuerit. Prodiit anno 1609. seu
 Genius

Origo &
author Te-
lescopii uno
de & quis.

Genius, seu alter, vir adhuc ignotus Hollandi specie', qui Midelburgi in Zelandia conuenit Ioannem Lippersein, is est vir solo aspectu insigne aliquod præferens, & perspicillorum artifex; Nemo alter est in ea vrbe, & iussit perspicilla plura tam caua quam cōuexa confici: Condito die rediit absolutum opus cupiens, atque vt statim habuit præ manibus, bina suscipiens, cauum scilicet & conuexum, vnum & alterum oculo admouebat, & sensim dimouebat, siue vt punctum concursus, siue vt artificis opus probaret, postea soluto artifice abiit. Artifex ingenii minime expers, & nouitatis curiosus, cœpit idem facere & imitari, nec tarde natura suggestit tubo hæc perspicilla condenda, vbi vnum absoluit, aduolauit in Aulam Principis Mauritij, & adinuentum obtulit. Princeps habuerit prius, nec ne, suspicandum erat, rem militiæ utilem, & per necessariam inter arcana custodiri. Verum vt casu senserit euulgatam, dissimulauerit, industriam, & beneuolentiam artificis gratificans. Inde tantæ rei nouitas per totum effunditur orbem, & plura alia configuntur spicilla, sed nullum illi contigit melius aut aptius priore (ego vidi & traetavi) adeo vt dicas non Artes solum, sed ipsam Naturam omnia conferre, vt magnis Principibus inseruant. Ferebatur etiam nil præterea esse hoc adinuentum, quam duo spicilla tubo apposita: Et cum Porta in sua Magia de hac re, licet obscure, verba fecisset, & ore tenus etiam cum multis me præsente, videbatur pluribus inesse hanc conceptionem, adeo vt reaudita quilibet ingeniosus cœperit sine exemplo pertentare opus. Alij lucri cupiditate Belgæ, Galli, Itali quocunque procurrebant, nemo erat qui authorem se non faceret. Mediolanum mēsc Maio aduolauit Gallus qui huiusmodi Telescopium obtul-

obtulit Comiti de Fuentes, is se socium Hollandi autho-
ris aiebat, Comes cum dedisset Argentario vt tubo argen-
teo includeret, incidit in manus meas, tractavi, examinaui,
& similia confeci, in quib. cum obseruasse multa ex vitro
accidere incōmoda contuli me Venetias vt ex opificib. co-
piam compararem & adhuc artis omnino ruditis cuidam
tradito spicillo vnde quaq; absoluto vt similia conficeret,
nonnihil pæcuniæ inutiliter prodegi, ac spicillum ammis-
nil præterea edoctus, quam sorte, & laborioso spicillo-
rum delectu rem perficiendam esse. Forte cum vnum pa-
rassem, imprudens concenderam Diui Marci Turrim vt
eminus experimentum caperem; aliquis è foro nouitate
prospecta, alios monuit, inde nobilis iuuentutis turba
tanta curiositate sursum deferebatur, vt parum abfuerit
quin me obrueret, modeste tamen, atque humaniter ro-
gato Telescopio cœperunt prospicere, alter alteri tra-
dens: duabus ferme horis hac mora, & inexpectato casu
fatigatus, tandem iejunus stomachus vnumquemque
domum suam reuocans, cœpit multitudo rarescere, &
ego respirare. Sequenti die memor pridiani periculi, &
timens idem futurum si rescirent diuersorum de quo ab-
eentes sollicite percontabantur, Valedixi. Impatienter
tamen hoc vnum ferebam arte adhuc in incerto habere,
& tanto labore parandam, & cogitabam qua ratione pos-
sem assequi. Interim fama in maius credebatur, & cir-
cumferebatur mendacia plura, quæ desiderium augerēt,
in Belgio, in Hispania huiusmodi Telescopia reperiiri,
quæ ad tria milliaria dignoscerent hominem, mercatores
literis testari. Ego in Hispaniam iter suscepi ratus singula-
ria quæque certius & citius ibi ad futura. Gerundam cum
peruenissem explorauit aliquis me huiusmodi spicillum

C habere

habere quale per omnium ora cerebatur: Mox adfuit architectus quidam curiosus rogans si posset meum videre Telescopium; Ego auersatus hominis importunitatem, cœpi renuere: ille rursus vrgere, nec secedere à latere, ita ut in suspicionem venirem hominem vtique arti deditum esse, nec sefellit, nam cum arborem remotam ad satietatem diu esset conspicatus iterū rogauit ut permittem rem scrutari, educere, & tractare spicilla, annui, gnarus illum impar ætati onus subire si vellet imitari: Postea quam vitra tractasset, & diligenter considerasset, duxit me in illius hospitium, & recluso conclaui, reserauit ferramenta artis rubigine consumpta. Is fuerat aliquando perspicillorum artifex, & tota ars ibi latitabat. Ut me sensi Genij artis fauore eo perductum, totum me dedi in illius amicitiam, & in illum liberius secretum effundi. Ipse præterea formas artis libro delineatas ostendit, & roganti permisit ut proportiones tribus tantum punctis exscriberem: Non fuit mihi postea difficile integras assumere, & deinde rediligenter examinata, & cotidie experimentis, labore, sumptibus aucta, & confirmata, perficere, & in eam redigere Tabulam, quam tibi patefacio. Noster architectus, ut postea intellexi Frater erat Rogeti Burgundi Barcinonæ quondam accolæ magnæ industriae viri qui artem in Hispaniam primus induxit & stabiliuit. Istres filios suscepit quorum unus literis & Religioni deditus Diui Dominici cœtui se addixit: artem ipse monachus delineauerat: Nullibi hæc ars exactior quam apud istos fratres Rogetos. Iam videbar artem didicisse qui formas tantum natus eram, sed tam ex voto mihi cesserat, ut sperarem breui posse Telescopium perficere, itaque in aulam Regiam properans priuati negotii causa, & inde cito expeditus, in patriā redii, ubi ferramenta nō nulli.

la conscienda curaui, conductisque mercenariis, cœpi obseruare quæ ad artē facerent, & manum paullatim exercere; post diuturnum opus & laborem, cum experimentum caperem perspicillorum, illud imprimis se mihi obiecit, in eadem forma perspicilla fere omnia inter se inæqualia euasisse, cuius rei causam cum diligenter examinarem, comprixi ex inæqualitate formæ præcipue, deinde ex crassitie vitri inæquali, postremo ex manus ambitu prouenire. Mea spe, & labore adhuc frustratus, Romanam concessi, quo intellexeram omnium artium copiam affluere, & præterea multos insignes & præclaros viros huic studio deditos esse; Nil mihi felicius cōtingere poterat. Aderat n. Galilæus cum suo, nunquam interituræ memoriæ, Telescopio: Forte quadam die Federicus Princeps Cæsius, & Marchio Monticellorum, vir eruditus, & literarū Mæcenas inuitauerat illum ad cœnam, In Vinea quæ dicitur Maluasia, ac præterea nonnullos alios literatos; Ante occasum solis cum eo peruenissent, cœperunt Telescopio prospectare Inscriptionem Sixti V. Pontif. in supercilio lanuæ Lateranensis quæ dicitur vno ferme miliiari, succedi ego & vidi, & ad satietatem legi inscriptionem. Noctu deinde, & post cœnā Iouem & comitantium stellarum motus obseruauimus, vbi satis recreati tanti luminis adspectu, atque rei curiositate, secesserunt Telescopium scrutaturi, & ipse Galilæus ut curiositati satisficeret, eduxit lentē, & cauum spicillum & palam ostendit: Ego interim tubum scrutatus, atque dimensus, lentē quoque deinde tractavi & consideravi, adeo ut possim ex fide, ex arte atq; experientia referre qualis sit: Id vnum mihi deerat, exacta proportio lentis & caui ut integrum possiderem Artem, quam quomodo nactus fuerim ne graue-

inæqualitas formæ
crassitatis vitri.
Manus ambitus

Galileus
Telesco-
pium perfe-
cit.


lentem forsitan dicit
convexus.

C 2 ris

ris intelligere seriem fati, quæ tibi profutura erat. Anno 1611. cum in Germaniam iter suscepisse, atque Oenipontum vulgo Ispruch, peruenisse vbi Serenissimus Dominus Maximilianus Archidux Austriæ residet, diuersorum exeunti occurrit illius domesticus, qui percontatus vnde, & quo tenderem, atque ego declarasse animi sententiam, post salutationes & aliæ humanitatis officia, secessit: sub vespera dum mensæ accumberem adfuit seruus, cum scheda monens ne præterirem insalutato Principe, & condita hora, mane perduxit ad illum, ad cuius conspectum cum ex more procidissem, & manum exosculatus post nonnulla præfatus, præbuit ansam prolixoris sermonis, post alia incidit sermo de Telescopio Galilæi, de quo cum vera narrasset, & Proportiones Galilai verba facerem de proportione, duxit in Porticum vbi erat: ut mihi innotuerint. Mensa, in qua descripta & delineata erat proportio Galilæi, quam ipse met miserat ad Maximilianum Bauarum Coloniæ Archiepiscopum & Electorem: ipse autem Elector per Ioannem Zuchmesserum Mathematicum ac suum cubicularium ad Serenissimum Archiducem transmiserat. Hanc cum attente considerasset, conuersus ad Principem dixi eandem me prorsus habere, sed ex Hispania attulisse atq; productis cartaceis mensuris peripheriā, primę differentiæ conuexi quæ apud Rogetos est forma primi spicilli (vulgo *di vista commun*) superposui, & erat eiusdem circuli sectio: Oculis etiam dimensus eram peripheriam globuli ad cauum spicillum, nec expectans Principis verba, produxi quoque peripheriam cartaceam quæ est septima, & postrema caui spicilli apud eosdem Rogetos, & imposita, omnino eadem reperta est.

A. L.

*In Tabula
est prima
conuexi dif-
ferentia.*



A Locus peripherie globuli Galilei qua designata erat in quadam

C 3

mensa

mensa Serenissi. Archiducis Maximiliani.

B *Centrum diametrum diuidens.*

D *Peripheria lentis.*

*Eratque utraque peripheria diuisa in gradus, ut puto ad denotandas refractionum inclinationes, cateruns nil obserua-
ui præter proportionem utriusque peripherie.*

VT Princeps vidit me easdem habere proportiones quas Elector Coloniensis miserat, interrogauit qua ratione posset hoc instrumentum perfici; Possem ego Serenissime Princeps, respondi, modo haberem ferramenta iuxta has proportiones: dati sunt Artifices, & inter pretes cum mandatis, vt præcipienti præsto essent: Inter multos in ea regione vix unus repertus est qui intelligeret quid, aut quomodo esset faciendum. Interim sauiens pestis monebat mutare solum. Itaque salutato Principe prono flumine Viennam deuehor, ubi totum mededi huic studio, vt ferramenta perficerem, nulli labori, aut sumptui parcens. Scio Principes & potentes viros assequi non potuisse quod ego fato, siue sorte quadam sum asse quutus, in Hispania Artem, & proportionem eandem circa quam laborarunt, & adhuc laborant Mathematici: Oeniponti eandem proportionem tanti Principis au thoritate confirmatam. Nunc vero qua ratione & arte ferramenta parauerim, dicam ut pos-
sint & similia habere qui voluerint.

(. .)

De

De Ratione parandæ siue elaborandæ Laminæ planæ.

C A P V T . II.

CVm egissem de perspicillis, obiter nonnulla dixi de spicillis vtrumque planis qualia absinduntur ex speculis. Nunc vero cum lens quæ in constructione nostri Telescopii ex vna parte sit plana, ex altera conuexa, de ratione perficiendi plani dicendum est, quod est difficultimum.

Sciendum cum dico planum, aut planam superficiem, perfectum quoddam denotaui quantum ratione excogitari possit.

Quæsiui diu Romæ, & Venetiis laminam planam, & multas examinaueram, quibus specula adfricantur, sed revera ex ipfa lamina, atque ex speculo in eadem elaborato vitrum deprehendebam hoc pacto. Tenuissima fidicula per laminæ diametrum distenta, subiiciebam oculum, ut inæqualitatem rimarer, & reperi saepius ad centrum laminæ declinare ferrum, aliquando ad latutus tumescere, aliquando exesum, aut attritum. Sed cur in centro saepius quam alibi deficiat ferrum, id accidit violentius in centro premente pertica qua cum speculum circumducitur, quam ad latera. Itaque vix nam ex multis reperi sine vitio & quæ perfectly plana dici posset. Sed quia, cum ferrum in centro laminæ non deficit sed abundant, & sensim extuberat, fidicula nō indicat vitiū, tunc deprehendens cauitatem, si in oblongum speculi suspectæ lami-

*Planies ali-
qua ut pro-
banda &
examina-
da.*

*Speculorum
vitia ut
deprahen-
dantur.*

laminæ ad laborati eandem diducas fidiculam, quod eg o
sæpius sum expertus, opificibus illis ægre referentibus. Dè-
præhenditur etiam speculorum inæqualitas ex imaginum
reflexione, cum scilicet maiores, aut minores aut distortæ
apparent, cum obscuræ, & à latere imaginum vmbre re-
flectuntur. Specula etiam vitiosa quanto magis remoue-
ris, ostendent imaginem tuam oblongam, crassiorem aut
minorem, aut distortam.

*Lamina
plana deter-
minata est
magnitudo
lenti propor-
tionalis.*

*Ratio su-
pradioti.*

*Lamina
plana perfic-
ienda
unica ratio
envis.*

Huius laminæ planæ diameter sumitur ex proportione
operis cōficiendi. Nam specula grandiora ampliorem ex-
poscunt laminā, sed pro lente Telescopii cuius diameter
conspicitur in figura lentis, sufficiet lamina cuius dia-
meter sit semidiameter nostræ proportionis, Idque accu-
rate obseruandum, alioquin in minori ambitu quam lenti
proportionali, aliquid conuexitatis, & in maiori ambitu
siue lamina, aliquid cauitatis contrahet lens, si experien-
tiæ credis. In hoc peccant multi qui ignorant quam pro-
portionem habere debeat lens cum sua forma siue plana,
siue caua, vt opus perficiatur. Pari ratione nullo certiori
modo perficies planum quam tenui smiri adfricando il-
lud alteri plano quadruplo maiore aut ad minus triplo, &
tunc maiori etiam indigebit dexteritate, hac ratione &
fortuna perfeci meum, quod cum argenti pondere æqua-
li, & etiam maiore non permutarem.

Sed antequam alteri laminæ tuam committas fac vt
limis & aliis curis quā proxime accedat ad perfectionem,
alioquin corrumperet alteram laminam, nec ipsa perfice-
retur. Ego post curas limarum, accurata norma, & fidi-
cula supertensa explorabam quid superesset, iterum li-
mis subtilioribus admotis tolli curabam, abradi, & coticu-
la perficari donec inæqualitates delerentur, postremo

com-

commisi piano quod erat ex ære, & cessit feliciter.

Deligitur ferrum siue lamina omnis vitij, quod in ferro reperiri soleat, exsors, & si cudendo aliquod retegatur, rei cienda, quodlibet enim vitium quamuis minimum tam in planis quam in cauis ad conuexa spicilla, aut interuertit, aut certe retardat opus. Talem laminam qualem descripsi si potueris nancissi, aut perficere, puta te pretiosum aliquod nactum ob singulares usus, quos habet lamina hæc, præsertim in Telescopio: Si præscripto maior sit cariorem habeas, non enim ipsa lamina sed manus ambitus proportionalis perficit opus ut saepius repetitum inuenies. Sequitur ratio ad laborandi lentem ex parte, quæ plana sit futura, & huius laminæ usus, nam inde exordendum est, sed quia in tradenda arte non idem est ordo, ac in exercenda, in tractatu seu capite decimo, qua arte & cautela lens perficiatur, omnia habebis quæ doceant quoque perficere planam superficiem, puta affigere lentem, arena, simiri, Tripoli vti, rodere, tergere, leuigare atque polire vitrum, quare eo te conferas.

*Non idem
est ordo tra-
denda ac ex-
ercenda artis.*

De præparatione formæ quæ perficit con- uexum lentis.

C A P V T III.

EX iis que in prima figura, uero in declaracione tradita sūt, sat tibi innotuit proportio Galilæi, lineæ curuitas, siue diametri quantitas, & sectionis portio, vt iam errare non possis. Nunc res difficillima agitur, fabricahuius formæ, in qua multi ignari opifices falluntur sibi suadentes posse

D mal-

*Omnis
opifices in
hac refa-
luntur.*

malleo, lima, torno formam perficere, sed si se inel experientur sagmam tantum ad datam lineam aptare, sentient quam laboriosum futurum sit & reliquum.

Preparatio. Deligatur ergo ferrum quale prescripti, cum verba *forma*, cerem de lamina plana, deinde ut cumq; fieri potest, malleo formæ proportionali diligenter cuditur ut proxime accedat proportioni: Si vitiū retegitur in ferro, reiciatur, & aliud queratur: Post hęc cura limam ipsa forma maiorem fabricari ad lineā proportionis, ut in sequenti figura ita ut pars etiam transuersa inferior eandem seruet proportionē quamuis breuem & exiguam. Huius limæ opera, quæ non sit admodum rudis aut aspera, sed lenior ipsa cote, inæqualitates arrodantur sæpe explorans sagma quomodo cedat negotium, ubi videris proxime accedere perfectionem & sagmæ utcumque conuenire, committes torno qui magis adhuc perficat, centrum constituat, utcumque leuiget.


Forma ut perficiatur. Postremo querendus artifex aliquis christallinæ artis peritissimus, is habebit in sua officina omnia quæ sufficiat huic negotio, modo artem tuam ipse bene possideas ut doceas illum. Ac primum paratur Sigma examinans, (ita imposterum dicetur) ex ære, aut ferro accurate absissa, quæ ambiat conuexum porportionale. Deinde massa plumbiliquefacta, curabit artifex, nouit enim suam artem, ut coalescat forma requisitæ quam proxima, & fusso ferreo firmiter adfixa, Massa hęc prægrandi rota versatur, tunc scalpello cuspidato perinde ac torno, plumbum illud violento rotæ raptu circumvolutum ab artifice diligenter ad lineam sagmæ adaptatur. His peractis, *forma adlaboranda, capulo ligneo tenaci bitumine siue glutin*

glutino, quale vtuntur illi artifices, affigitur, nec opus est ut capulus totam formam compleatatur, sufficit tertiam aut quartam partem, quā centrum clauditur, occupare ut manibus constringi possit. Diligens operarius postremò adsidet sursum deorsum quelinea recta sensim devoluens formam, atque dum plumbum raptim versatur, tenuissimo smiri guttatum cadente, perficit.

Nulla alia faciliori aut certiori via *Vnica tan-*
vnquam perficias: Si plumbum *tum ratio,*
absumatur, toties repetitur opus *& via per-*
scalPELLi, quoties necessum erit, *ficienda for-*
donec adaptetur ad lineā sagmæ. *ma qua Te-*
Vbi absolutū fuerit opus, exami- *lescopium*
nabis formā altera sagma explo- *perficitur.*


Sagma ex-
ratrice, an recte quadret, nam ita *plorans.*
cohærere debet formæ vt videatur pars inde abscissa, & forma remanebit tersa, nitida, leuigata instar speculi.

Lima.




D 2 Sagma

[*Sigma Explorans.*



Sigma Examina-

nans.




De globulo ferreō ad peripheriam Galilæi comparando cauum spicillum Telescopij perficiente.

C A P V T IV.


EX Armamentario quæratur globulus ferreus vtcunque rudis, modo bene rotundus & aliquanto maior data peripheria Galilæi, aut etiam æqualis datæ duodecimæ peripheriæ nostræ diuisionis in semidiametro Tabulæ, deinde vtraque sagma scilicet examinatrice B. & exploratrice A. parata, detur eidem artifici qui supra. Ipse plumbo excauato ad portionem sagmæ eadem facilitate elaborabit qua solet globulos christallinos Musæis ornandis, donec datæ sagmæ conueniat, quod breui fiet cumglobuli cortex tantum arrodendus sit.

'D 3 De

*Sigma Ex-
aminans.*



*Sigma Ex-
plorans.*



De

*De Vitro & Christallo dignoscendo, &
deligendo.*

C A P V T V.

Christallum Venetum vnicum est , nec alibi aeris.
ignis,aquarum,& ratione conficiendi,perfici potest:
Speculis aptissimum: Vitrum vbiique reperitur, sed ope-
ribus longe impar Veneto , & ita degenerat , vt cesset vi-
trum esse. Vtrumque rebus opticis deligitur friabile po-
tius, quam scissile, & dignoscitur quando forfice circum-
ciditur,nam friabile optimum: Scissile non obtemperat
forfici, sed resilit in frustula præter mentem artificis: *Vitrum & Christal-*
lum ut di-
gnoscantur.
Vitrum aptum est perspicillo cauo tantum:Christallum, &
cauo, & conuexo. Fusores Muranenses norunt quaten-
perie esse debeant lentes Telescopij ; Ea concoquitur
magis , deinde materia , quæ est ad oram,aut ad fundum
mortarij minime apta , idcirco ad aliud conuertunt opus
donec semihausto mortario materiam præbeat conco-
ctam, repurgatam & bene digestam, sed cum illis nego-
tium sit cum igne , & cum fornace , iudicare potes quam
sit difficile adeuinare, nec mirum si Telescopia rara,cū tot
cautelis indigeant,quas vniuerso contextu colligā&subiiciā. *Vitrum*

Deligitur primo vitrum,tenue, pellucidum, candicans *quale deli-*
& quod minimum habet viridis,& flavi, sine arenula, sine *gatur.*
næuis , sine venulis, sine ebullitione. *Ratisbonæ repe-*
riuntur aptissima cauis tantum perficiendis. Tale erat
spicillum cauum Galilæi vtrumque excauati ad periphe-
riam quam delineauimus in Tabula.

Misce-

*Vitrum cas-
uis tantum
aptum.*

Miscetur Christallum cum vitro, & contemperatur, ex qua materia speculorum merx fere pars maior, & communior; hæc eadem materia apta cauis, sed conuexis rariſſime.

*Christallū
conuexis a-
ptissimum
& cauis
perficiendis.
Vt dignosca-
tur & deli-
gatur.*

Christallum, quod dicemus artificiale, proprienatum videtur huic artificio: Illud probatur quod est durissimum, tersum, nitidum, candicans sine arenula, sine ebullitione. Nigricans modo sit optime repurgatum, reddit opus perfectissimum, est enim materies aliqua tam bene repurgata vt si lens fuerit crassitiei vnius digiti, citius tamen, & leuius oculis transuerberetur, quam alia tenuissima. Experimentū capies si scripturę superimponas varia & diuersa vitra, illud prehabeto, quod rarius erit, & clarus, & nigriores referat literas, ita vt nil intercedere videatur inter scripturam & oculos aut quoddam rarissimum recreans, non fatigans visum.

*Quæ vitia
Christallo
accidere so-
leant.*

In male digesta, & inconcocta materie ægre solent ingredientia coire, & contemperari, ex quo venæ quædam, seu radii aut vndæ apparent diligenter introspicientibus, aut ad respectiuam intuentibus. Vessicæ etiā quædam aliquando turgere videntur seu flatus vitro inclusi, quæ via interuertunt opificium nostrum. Indigestam vitri massam fuisse dignoscet, cum particulam scissam, aut latus vitreæ laminæ videris instar glaciei aut induratæ picis splendere, nec continuo, sed quasi vndis aut radiis quibusdam partiri, & coiuisse materiem, nō coaluisse. Reliquum quod non capis, disces ab expertis, alioquin sumptu, errore, & labore tuo tibi perdiscendum erit.

De

De Christallo naturali, vulgo Montano.

C A P V T VI.

CRISTALLI naturalis siue Montani (quod ex montibus abscinditur) tres sunt species, quemadmodum & adamantis, videlicet album, flauum, & nigricans, postremū præfertur à peritis ob vsum quem habet præsertim in opticis, ego quoque præfero, quædurius, rarius, leuius, & benetersum, viuidius fulget. Mirum quod Telescopio nullum christallo artificiali meliorem præbeat vsum. Sed admiratio hæc dimouebitur ratione, & experientia suadente Christallum hoc diaphanum citius transuerberari nec ea ratione, loco, modo, tempore frangi radios quemadmodū in subtiliori Christalli artificialis diaphano, sed latius, & ideo maiorem excipere refractiōnem; Quod si emendare tentaueris augendo, aut minuendo crassitatem christalli, tam in cauis quam in lente, ex ea crassitie à laterib. emicant alij radij, qui interturbat refractionem, vt optime notauit perspectiva communis. Immutanda ergo esset omnis ratio, & proportio formarum, & cum crassitie christalli pensanda, quæ omnia quam male cohæreant, iudicare potest qui parum in arte versatus fueris. Nihilominus existimo plurimam habere vim & vsum perficiendi & augendi Telescopium, si quis diues, & potens artis peritissimus, & in opticis exercitatus huic rei animum adiiceret.

Perspicilla exchristallo clarior, & nitidius discernunt, laudantur
suadeo illos qui cælaturam, & alia huiusmodi opicia ex perspicilla
ercent, vti, nec sumptui parcere. ex christal-
lo Montano
& aliis
preferuntur.

E Eadem

Ratio elaborandi chrysostomis
christallina spicilla

Eadem est ratio elaborandi christallina spicilla, ac vi
 trea nisi quod laboriosius perficiuntur. Nam minutissi-
 mo smiri formæ adfricantur, deinde tenuissimo smiris
 puluisculo absterguntur, & leuigantur in eadem forma,
 nonnulli id faciunt in lamina plumbea: postremò Tripo-
 li poliuntur in alia lamina plumbea seu corio.

De lente ex rudi officina diligenda.

C A P V T VII.

Lentes ex officina pro- **P**rämissa vitri notitia, quærenda lens, de delectu vitri
dire in a- satis dictum. In proximo Venetiarum Murano forna-
quales, ideo ces sunt plurimæ ibi efformantur, sed quia ut plurimum
torno subii- nec sunt bene rotundæ nec æquales, hic locimoneo eidem
cienda, nec qui supra christallinæ Artifici tradere, is torno ferreo ad
aliter perf- id parato, & cuspidè adamantina æquabit, Imo suadeo, ut
es posse. ad eam latitudinem, crassitatem, planitatem & conuexita-
 tem proxime perducat, ut postea minimo labore possis
 perficere, idem suadeo de cauo spicillo, ut alibi fusius di-
 gam. Aliter tibi perdiscenda cui altera hæc ars sine qua
 ars tua vulgaris, & Telescopium nunquam perficietur.


De Latitudine, & crassitie lentis.

C A P V T VIII.

Determinata proportione & formæ sectione neces-
 sum est ut diximus, cum de plano sermo esset, ut sit
 determinata etiam portio lentis in eadem forma adlabo-
 randæ, alioquin frustra tempus conteretur, & opus; hæc
 mēn-

mensura dabit refractionem proportionalem, quæ si excedat aut deficiat, totum confundit opus, nam cum refractio extra centrū fiat in subtiliori diaphano, vt in spicillis inueniendum est quomodo fiat in crassiori lente, & *Non endom
estratio re-
fractionis
in Teleco-*
in tubo, nam si radij refracti in lente quererent subtilius *cillis, qua in
replures
falluntur.
Vide Tubis
delineatum
ubi dere-
frac̄. c. 10.*
diaphanum, non longe à lente protraherent vim suam, quippe diffunderentur, & diffluerent antequam rem viam sub maiori angulo referrent. In lente ergo crassiori vis, siue refractio caui spicilli tam violenter una perducit radios ad refrangendum, vt coarctato lentis foramine paralleli transmittantur, & viuidius sub maiori angulo remotione referant obiecta. His intellectis facile erit intelligere demonstrationem.

E 3 Esto



Hanc figuram lenti latitudo f.g. quæ adlaborata in forma præscriptam lenti artifex male sculpsit in corrigere ad sensum demonstratio-
 nis. Cur latitu-
 do & pro-
 fundas len-
 tis debent esse propor-
 tionales. Esto lenti latitudo f.g. quæ adlaborata in forma præscri-
 pta suscepit proportionem A.B. quæ est seetio peripheriae primæ in dimensione nostri semidiametri: à punctis A.B.
 & à summitate conuexitatis ad punctum D. est crassities vitri quam poscit proportio formæ, & latitudo lentis, nam si latitudo esset maior, & crassities vitri eadem, prius exfricarentur, aut exederentur latera quam perficeretur proportio illa.

A punto D. in H. esto basis vitrea sustinens conuexitatem, hæc quandoque, refixa ab opere lente, neces-
 sum

sum est iterum operi adiicere, vt adhuc magis exedatur ex parte qua plana est, scilicet cum lens aut christallum fuerit minus pellucidum aut delendo alicui vitiō.

Tota igitur lentis, crassities erit à puncto H. ad summītatem conuexi. Et quoties volueris inuenire hanc, siue alteram spicillorum crassitiē statue primò latitudinem christalli, & sit latitudo C. E. inter hæc puncta duces portionem peripheriae formæ vt cumque inciderit centrum, deinde huic portioni, siue arcui subduces diametrum D. crassities quæ erit à D. ad summītatem conuexitatis, eam exposcerat latitudo A. B. cui addes partem alteram christalli pro basi, & fundamento violentioris refractionis vt dictum est.

Huius latitudinis, & crassitiei erat lens Galilæi, quæ oculorum vi tam est proportionalis, vt nil aliud perfectius in Arte inueniri possit. Duplex refractio aliquid ultra molitur de qua in calce libri.

*De capulo, & de bitumine quo
lens affigitur.*

C A P V T I X.

Vulgares artifices solent capulis vt cumque paratis spicilla pice affigere. Veneti speculorum opifices à paucis annis spicilla gypso affigunt, quemadmodum & specula.

Vt pice, siue bitumine volueris uti, capulum ligneum opus est habeas. Ut gypso vero, lapideam quandam luminam: lapis hic colore niger, & tenuis bene complanus, & leuigatus & gypso oblinitus tenaciter cohæret cum

E ,


chri-

*Lens gypso
affigenda:
gluten, bi-
tumen, pices
reiciuntur.*

christollo, sed qualicunque vitaris, siue lapide, siue capulo, imprimis quærenda est summa æqualitas, & rectitudo quætorum accurate probata sit. Capulus iste qualis delineatur capiendæ lenti notatur linea circulari B. vt cū affixa fuerit lēs, crure circini posito in linea, altero crure examines æqualitatem ne crassior, aut eleuatiōr, nec promineat magis ab vna parte quam ab altera, quod scrupulose obseruandum est, vt centrum lentis conueniat cum centro capuli. Per centrum enim lentis transit radius irrefractus, quod si tantillum distorqueatur, vt qualicumq; inæqualitate accidere solet, frustraberis omni tuo opere & labore. Capulo lentem excipienti ego tam concinne insererem lapidem, vt in figura, vt gypso facilius, & liberius vti possem, & nelapis vñquam dissiliat, aut titubet in opere, circulis ferreis tenuioribus affabre circumductis, clauderem lapidem, ita, vt semidigito è ligno prominat atque etiam maiorem ambitum, siue circulum quam lignum, occupet.

Cur

R.



cur

Cur autem præferam gypsum ratio est, quia facilius sine discrimine, maiori cum otio, delectu adfigere potes lentem, examinare rectitudinem, corrigere, emendare, & refigere ad arbitrium.

Rationesdi-
ctorum.

Id ipsum autem nec pice, nec bitumine vñquam poteris, quia igne primo, & semper opus emolliendæ pici, calor autem liquatæ picis, siue bituminis maxime obest christallo ac aliquam transmittit pinguedinem, quæ obtenebret diaphanum, deinde ipsum cristallum siue lens quoque calefacienda est non sine discrimine ut tenacius coeat, & adhæreat. Præterea Hyemi præ frigore ita induratur pix, vt lens dissiliat à capulo: Æstate præ calore, præcipue cum politur, mollescit, & diffilit, neclens consistere potest. Denique si multum calefasias, non facies sine detrimento: si parum, antequam lens recte apposita & adaptata sit, pix, siue bitumen iam refrigeratur. Vtere igitur gypso vbi lens siue plano, siue conuexo ad laboretur.

Vbi &
quando pice
opus sit.

Cæterum in spicillo cauo, & alijs spicillis necessum est pice vti, parte aliqua lateritij pulueris cerniculo probati permixta, ad pinguedinem temperandam, & cum caleficeris, affixeris, siue refixeris, dexterime id facias Bitumen, cui admiscetur mastix & alia, ego reprobo in christallo artificiali, qui a violento indiget igne; secus in operibus christalli Montani.

Qua arte & quibus cautelis lens perficiatur.

C A P V T X.

*Id est rotun-
dus & ob-
longus.*

Lens affixa iam est committenda formæ. Adsit lapis mollis, teres altitudinis semicubitalis; eius summitas truncata, rotunda, & ad proportionē complexitatis formæ excauata sit, orificium interius, qua coiturū sit cū orificio formæ

formæ, accurate elineatum: ab hoc orificio ad exterius orificium, declive; deinde immisso gypso recenti & æqualiter obducto, imponatur forma, & ita affigatur quod momento sit, ut firmiter adhaereat, ne vi manus laborantis conuellatur: orificium formæ cum orificio lapidis ita conuenire debet, ut manus ambitus, lutum iam maceratum reiiciens forinsecus decidat, nec vñquam recurrat.

Adsit deinde arenula minutissima, & quæ sit ipso vitro siue christallo mollior, & facile conteratur, & in lutum abeat: sit æqualis, ut nullum granum excedat aliud, ut saepe cuenit commisceri grana, eaque lapidea, quæ vitrum penitus rodunt, ideo cerniculo spissioris texturæ & ad id apto, examinanda & repurganda: quam delegeris, infunde aquæ, ut magis adhuc mollescat, & cum volueris uti cochleari sparge, & passim substerne per formam, deinde imposita lente leuiori manu circumducas, & pertentes an aliquid asperius offendas, ubi nil occurrat, perge alacrius, & totum ambitum formæ per centrum percurre ad dexteram & ad laeuam, ubi senseris asperitatem arenulæ contusam, ne expectes lentem nudato ferro adfricari sed adiice arenulam, ac molliter substerne, ita ut æqualiter semper se habeat, atque sepius repetes donec lens figuram recipiat. Interdum explorabis circino an circulari orbe, & undequaq; æquali exedatur vitri materies, & an centrum suo situ seruetur, quod ut depræhendas, subuida spongia absterges à lente arenulam siue lutum, & expectabis donec exsicetur, illico fiet, tunc cognosci quid attritum sit, quidue supersit, & an opus bene cedat. Cum peruerteris ad lentis centrum quod ab arenula & à ferro, vix tactum videbis eminere instar circularis orbiculi, tunc

F

accurato

accurato examine expendes an verum centrum sit, si minus corrigendum, quod est difficillimum, neceſſe enim erit lentem refigere, iterum torno subiicere si crassities abundet, aut omnino desperare.

Sed iam bene cessit. Delenda sunt ex lente arenulae vestigia & leviganda superficies, ut postea expoliri possit. Diligenter formam, lentem & capulum spongia aqua referta lauato, imo & omnia immerge aquę, ita ut nullū subsideat arenulae granū, manicas, vestes excute, lauato manus, & si fieri potest, muta locum ubi tractatur arenula: Deinde tenuissimum puluisculum ex smiri formæ perfundē, sed prius dicendum quid sit & quomodo paretur.

*Smiris tenuissimus puluisculus poliendo christallo
ut præparetur.*

C A P V T X I.

SMIRIS lapis ex Oriente aduehitur, quo nullus durior aut grauior, gemmarii vtuntur gemmis corrodendis, saepius conteritur & maceratur, tot enim sunt species opificiorum, ut indigeant nunc aspero nunc tenui, & saepe molliori. Postremus igitur est mollis quo vtuntur iidem gemmarii poliendis gemmis, christallarii christallis, sed is quo vtuntur speculorum artifices summa curiositate lauatus & repurgatus omnibus præhabendus. Hunc habeas oportet & cures Venetiis adferri, vulgo *spoltiglia da specchi* vocatur, aliter parare nimis laboriosum & artis imperitis difficillimum. nihilominus

Paratur

Paratur hoc modo, ex gemmariis conqueriratur ut cumque habeat: Deinde duo dimidiata dolia aqua nitida repleto, in vnum ex dolis iniicito pro arbitrio mensuram pulueris, cui adstabit operarius baculo permiscens & continuo conuoluens aquam, donec puluis madefactus, tenuior sursum feratur, grauior deorsum. Interim alter operarius situla ex superficie aquam cum tenuiori puluisculo tollit & deponit, donec parum in situla quiescat, & fiat alia separatio grauioris & leuioris, modico enim tempore grauior fundum petit, leuior supernat, tunc operarius medium aquæ partem in aliam versat situlam, in qua vt eadem ratione parum subsederit, in aliam atque in quartam situlam versatur, atque etiam in plures, si qualitas pulueris poscat: Residuum vero grauem vnaquaque situla seponit ad alios usus, & postquam deposuerit, lauatur in altero dolio. At residuus postremæ situlæ totus adseruatur, & in vase seponitur ad usus nostræ artis.

Inde sumes quantum opus fuerit humectatum atque mollem instar pultis, quem substernes in forma, ita vt vitrum percurrendo non adfricetur aut impingat ferro. Vbi eodem ambitu, (diligenter attende) quo per arenam circumduxeris lentem, senties puluisculum spissatum & tenacem, tunc leuiter irrigabis aqua: si nimis lubriciter senties discurrere manum, adiicies nonnihil pulueris, & ita perges, donec iudices deleta arenulæ vestigia, tunc altera subuuida spongia (necesse est enim habeas duas, atq; sibi inimicas) absterges & panno exsiccabis lentem vt perspicacius comprehendas, quomodo opus se habeat. Et si videris deleta omnia arenulæ vestigia, insiste adhuc,

nil præterea addens puluisculi, sed leuiter residuum irrigans, & lentem mox ad dexterā mox ad laeuam reflectens non grauaberis durare donec lens absterfa & bene exsiccata vt cumque referat species remotas & imagines rerum, tunc optime leuigatam & aptam polituræ suspiciendæ censebis.

Monui paulo ante vt attenderes, eodem manus ambitu, quo per arenam perduxeris lentem, per simirim quoq; perducendam.

*Hanc artie
subtilitatē
obseruent
& intellie-
gant Ma-
thematici,
no errant
in suis de-
monstratio-
nibus in
cap. XXII.
monere.*

Hic operæ pretium erit repetere vt intelligas plurimum referre, si enim minori ambitu ducas lentem, rursus incipit circum quaque à lateribus centrum versus aliam suscipere figuram, inde simiri totum exedendum christallum antequam arenulæ vestigia d'eleantur, quod nunquam finias: si autem in maiori ambitu, incipit à centro arrodi, aliam à præscripta suscepturum figuram quod vix integrâ hora finias, si deinde contentus à centro medium versus tantum vestigia perdeleri lentem polituræ tradas neutrum habebit formæ figuram, sed mixtam ex maiori & ex minori ambitu, denique monitum te volo si manus sibi non constet, lentem in qualitatem sortiri.

*Lens & spicilla qua arte expoliantur & il-
lustrentur.*

C A P V T X I I .

CVm lentem à formare moueris, non minori diligenter, priore, lauabis, repurgabis & penicillo mundabis, vt quidquid residet luti ex macerato puluisculo, id omne excutiatur: Formā etiam diligenter lauato, perfriato & exsiccato.

exsiccato, ne quid rubiginis contrahat; temetipsum mundabis, & repurgabis manus, alio etiam te transferes, ut postremæ polituræ lentem committas, cuius rei peculiariis ars præscribetur. Cauendum enim quod pauci huc usque animaduertere, ut quam lens suscepit figuram, ex-polita non ammittat, nam si lens est conuexa, & in plano expoliatur, & vi qua opus est, conuexum retundi necesse est, præsertim centrum, quod est præcipuum in arte; & hic præcipuuus in arte error quem correxiimus hoc p-cto.

*Cautela ad
postremam
polituram.
In cauo li-
gno lens exo-
polienda.*

Ad lineam proportionis quartæ differentiæ conuexo-
rum abscinditur sagitta explorans minor latitudini lentis
ad cuius lineam excavatur lignum oblongum, quadra-
tum; eiusdem latitudinis huic ligno supertendes filtrum
sive corium ceruinum, id caui ligni partem occupans da-
bit secundam aut primam proportionem, vtram malue-
ris, parum refert, & licet tardius expoliatur, rutius tamen
perficitur opus. Hoc lignum sistitur claviculis, ne vacil-
let; filtrum deligitur molle, tenue, repurgatum ab omni
forde & pinguedine, ego tamen præfero corium cerui-
num modo in diligendo iudicium adsit, ne sit durum, aut
tenue, crassumue nimis, sed tale quod recipiat Tripolim
humectatum nec transmittat, quod non extendatur, aut
laxetur tempore aut labore, ideo ex transuersa pelle ab-
scindetur lacinia, sive laminula oblonga quam curabis
abradi, non ad cutem, sed qualis paratur thoracibus
conficiendis, tantisper villosa ut melius

Tripolim contineat.

F 3 De

*De Smethicis, Stanno combusto, Aqua forti,
Aceto.*

C A P V T X I I I .

STANNUM COMBUSTUM APUD GEMMARIOS IN VSU ETIAM
EST POST TRIPOLIM, EO QUOD VIUIDIUS HAC POLITURA FUL-
GEANT GEMMÆ. HOS IMITATI SUNT SPICILLORUM ARTIFICES
QUOD APTISSIMUM EXPERIANTUR EXPOLIENDIS CHRISTALLIS &
VITRIS IN Hispania, Gallia, & Anglia POTISSIMUM: sed cum
sit venenum, & tractatu periculosum, absit à delicato &
studioso viro, id sentiunt qui vtuntur, & licet non cre-
dant, sese tamen satis patefacit.

Aqua fortis, ut vulgo dicitur, qua vtuntur Veneti, Ro-
mani, & Itali artifices periculosior, obest visui, cerebro,
& qui tractare assuescunt etsi non tangant, breui tamen in
para ysim, aut alios extremos morbos incidunt, ut clare
videtur Venetiis, ego non vtar perspicillis huius politu-
ræ, nec quemquam suadeo.

Acetum temperatius, sed vitrum, siue christallum ter-
gitur, nunquam autem politur, ac præterea mollescit.

Tripolis laudatur, deligitur & preparatur.

C A P V T X I V .

TRIPOLIS LAPIS EST CRETACEUS FLAUESCENS, MOLLIS, TRIABI-
LIS, GRAUIS, CUIUS VIS & PROPRIETAS EST SMETHICA, ID EST,
ABSTERSIUA; EX ORIENTE VENETIAS ADUEHITUR: GEMMARII O-
MNES VTUNTUR POLIENDIS GEMMIS, & LAPIDIBUS, ITEM &
CHRISTALLARI, & QUI CHRISTALLINA SPICILLA, & SPECULA POLIUNT.

Citius

Citius stanno combusto praefat munus suum, probatur qui aptior est arti, & christallis poliendis, si cuspede linguae puluerem degustes, nec ullam asperitatem sentias qualem cineris, sed prope farinæ mollietatem. Abraditur ^{Postrema} cultello, & quia saepe irnascentur duriora grana quæ simul coalescunt, suadeo spisso cerniculo examinari & excussum puluerem humectare, in vasculo operto seruare ad opus, à puluere, & ab omni immundicie scrupulose custodire; & cum vti volueris, leuiter & molliter penna aut nitida manu obline laciniam corii siue filtri, deinde admota lente vltro citroque diducas, ac si dedolare velles, donec sentias fricatione tempore induci, tunc subsistete & expecta donec refrigeretur, aliter plurimum obest vitro siue christallo teporille, & id toties facies, quoties senties incalescere, leuissime irrigans & inspergens laciniam, ac si vngere velles. Artifices qui plura habent spicilla polienda alternatim sumunt hoc, & illud deponunt, ut quiescente uno aliud vicem subeat. Memineris etiam poliendo, inflectere lentem mox ad laevam mox ad dexteram, & si capulus contineat lapidem iam descriptum, vide ne nimis premas, nam lentis & ipsius lapidis pondus prona dexteritate manus deductum, polituræ luscipendæ sufficiet.

Antequam lentem huic operi permittas, cum lens à forma abducta figuram susceperit quæ ad oram lentis acutangulum, qui dum politur velut cultello abraderet, non modo Tripolim sed filtrum & corium, ideo habenda forma tertiae differentiæ cui lentem tantillum adfricabis donec angulus ille retundatur, vulgo apud Venetos opifices *filetto* vocatur, ita poliendo liberius percurres & citius rem expediens.

Digno-

Dignoscitur absoluta lentis politura cum remotissimas rerum, puta ædificiorum imagines recipit & vividissime refert sine umbra, quod si addubitas, habeas speculum Venetum cristallinum ex purioribus & nitidioribus, quo cum lentem compares, cogita Telescopii lentem longenitidiorem & clariorem esse oportere.

Globulus ferreus quomodo aptandus operi.

C A P V T . X V .


Asper longior quam latior semipedalis A. B. C. D. latera habens æqualia atque trium digitorum profunditatis perforatur hac ratione ; data peripheria globuli præscripta, altera peripheria F. tantillo minor delineatur ex una asseris parte, ex altera eodem centro peripheria, altera G. designatur aliquanto minor, peripheria hæc torno perforatur aut scalpello, ut centro centrum E. respondeat & coeat.

In isto foramine locatur globulus qui non penitus, sed prope medius iacet, ut cum spicillum adfricaueris globulus circumvolvatur ad arbitrium, nec conuellatur, & æqualiter atteratur, suam semper seruans rotunditatem.

In altero foramine G. angustiori verso asseris latere, locatur alter globulus poliendo cauo spicillo, nam ut dictum est, minor globulus requiritur poliendo, quam corrodendo.

Foramen in eo constituitur loco, non in medio asseris, ut lutum maceratum decidens laboranti minus sit impedimento.

12. Fig.



Canum

G


Cauum spicillum Telecopii ut perficiatur.

C A P V T X V I.

Delecta vitri materia, curabis (ut dictum est) diligenter torno æquari, & ad rotunditatem & terminatam crassitatem (quæ eadem erit cum crassitie lentis aut paulo crassior) à christallario perduci; & etiam ad faciliorē exitum, tantillum in centro excavari, deinde capulo ligneo affigito, & affixū ea examinabis solertia quam commendavi in lente, ut undeque æqualitas respondeat, centra præcipue iuxta coincidant.

Affigitur hoc spicillum pice flava, nec admodum pingui, in quo opere cauendum ab intemperato calore, tam picis, quam vitri, præsertim cum vnam partem absolvitur, & vertendum fuerit spicillum, partem excavatam repleas oportet molli pice, ut firmius & solidius obsistat & duret, ne frangatur, & dum persequeris opus, diligent

De latitu- examine dimetiaris oportet orificium caui, an satis pa-
dine & cras- teat & excavatum sit, quodue interstitium supersit, an-
sitis caui. tertia pars in figura præscripta, maior vel minor.



Decla-

Declaratio Figuræ.

Esco crassities lentis A. B. latitudo vero A. C. queritur quantum excavari possit atque patere ut interstitium christalli proportionaliter seruetur.

Circino retorto & infra designato sumantur duo puncta latitudinis sue diametri.

Item duo alia puncta profunditatis A. B. & C. D. & ab A. in C. & à B. in D. ducantur parallelae.

Item ducta perpendiculari equaliter parallelas diuidente, ipsa perpendicularis quatuor punctis diuidatur, scilicet in puncto intersectionis utriusque parallelæ, & alia duo puncta equidistantia in medio per quæ duas alias subduces parallelas, hæ quatuor parallelae dabunt tres æquales divisiones, quarum duæ excavantur, media integrarunt.

Noto enim globuli diametro, ita circinus constituatur ut è centro ducatur peripheria quæ contingat puncta in perpendiculari notata, hæc intersecabit utramque parallelam (quæ denotat planam superficiem christalli) in A. C. & B. D.

E. E. igitur erit interstitium & tertia pars christalli quæ queritur.

Primus terminus ergo cognoscendus, est crassities christalli.


Secundus, residuum christalli. Tertius diameter globuli.

Primus alibi determinatus est ut sit crassitie lentis aliquanto crassior, si modo utrumque excavandum erit Christallum, equalis vero lenti nec subtilior si ex unatantum parte excavandum erit.

Secundus terminus etiam determinatus est cum diximus tertiam christalli partem in spicillo utrumque cauo intactam seruari debere, & in simplici cauo, medium christalli partem. Inde etiam noto tertio termino siue globuli diametro simul innotescet latitudo oris & altitudo cavitatis.

Eadem ratiocinatio est in simplici cauo, nec repetitione indiget.

Poteris etiam circino dupli retorto idem explorare cum spicillum refixeris, ut in figura, in qua vides brachia circini vtrumq; centrum mutuo amplectentia, superiora tantundem aperiri, & crassitatem referre.



Tam diligenti, & accurato studio affixum spicillum, in globuli vertice modica sternitur arenula tenuissima, & prioribus digitis dexterime capuli basim præstringens ad perpendicularū in punto verticali, incipies recta linea ultr̄ citroq; spicillū ducere; ac s̄pē ad uoluere; rectitudine illa semper seruata, statim videbis an in centro incipiat excauari, exeditur enim christallum in formam crucis, rotunditatem inde paulatim suscipiens.

Tota perfectio caui ex hac prima cura penderet, deinceps suapte natura perficitur, modo nō in gyrum, sed per lineam rectā ducas, ac reducas, assidue ad uoluens capulum, mox ad dexterā mox ad laeuam. Eadem cura, sed diligentiori examine utaris opus est, cum ex una parte absolueris, ut alteri perficiend̄ centrum excauandum conueniat. Monui superius spicillum hoc christallario prius tradendum, ut torno ad æqualitatem perducat, & si fieri potest.

potest parum excauare etiam incipiat, & dirigere centra;
Tornus iste arti tam utilis, tam necessarius, ut quilibet hu-
ius artis studiosus, & tornum ferreum (Augustæ venun-
dantur) comparare, & discere vti neceſſe habeat, ne alie-
na indigeat opera.

Potest hoc cauum plumbea peripheria fuso ferreo af-
fixa & versatili rota perfici, vt solent christallarii, si modo
operarius adsit in hac reversatus, sed quia sunt rari, sua-
deo ne recedas ab opere manus, nam & si tardius, tutius
tamen agit.

Artifices, qui hæc spicilla elaborant, solent vbi exca-
uari cœperit, in gyrum globulū percurrere, quod efficit
vt orificiū caui pateat magis, quam sit eius proportio. At
falluntur; ars docet manus ambitu maiorem globuli par-
tem non occupare, quam velis spicillo imprimere.

Vtrumq; excauato perspicillo ad mensuram, vt in figu-
ra, aut non nunquā aliam pro arbitrio (iuuat enim studio-
sum plura habere, vnum scilicet magis excauatum, aliud
minus, crassius vnum, alterū subtilius vt obserues quæ in
arte accidunt, ac præterea vt iuues aliquando lentis vitia
maiori vel minori acumine) expolire cauum necesse est.
Igitur affere, & globulo, & spicillo aquæ immersis, dilutis
& ab omni arena mundatis, affer rursus clauiculis defigi-
tur, vel mutato loco si fieri potest, & globuli ferrei parte
nitidiori in vertice constituta, hanc tenuissimo smiris
puluſculo circūlinies & spicillo admoto leuissime (nam
hic nullo modo premas oportet) eodem globuli ambitu
& recto manus recursu quo excauando vſus es, cauum le-
uigabis: licebit tamen aliquando perambire & recurrere
ad utramq; manum, modo paruo maiorem ipsa cauitate
partem occupies, & breuis ambitus in se recurrat, cæte-
rum facile est opus, & cito expeditur..

G. 3;

Supereſt.

Nota:

Supereft Tripolis poſtrema politura; Hæc à minori globulo petitur iuxta deſcriptam peripheriam in figura cap. 15. Ratio huius eſt quia ſitrum quo tegitur globulus, occupat portionem maioriſ peripheriæ, aliter ſi pari aut parum minori globulo tergeretur, orificium & pars quæ magis patet tantummodo contingere globulum, centrum autem nunquam expoliretur. Modus poliendi facilis, nec alio indiget opere quam modico Tripoli, & breui labore abſoluitur.

De ſpicillo ex vna parte tantum cauo.

C A P V T X V I I .

IN superiori figura demonſtrata eſt ratio & cauitatis & crassitie, nunc dicendum devtriusque uſu. Ad sydera ſpicillum vtrumque cauum tubo apponitur, & tubulo aliquanto educto magis elongatur, huius ratio eſt quia, & ſi refractio illa maior ſit, quam naturalis Telescopii propor- tio requirat, tamen cum obiectum viſibile per ſe ſit lu- minosum & coruscans, quidquid obtenebratum in alio cor- pore puta turri aut horologio videretur, ibi clarum con- ſpicitur vt fert natura oculi, vnde fit, vt refractio illa ma- ior que fit ex christalli conuexi crassitie, & ex caui acumi- ne, viſibile in maius multiplicet atq; per ſpicuum reddat.

Secus autem contingit in ſimplici cauo cuius propor- tio naturalis obiecta opaca & corpora quæ diſtāt, & mul- tiplicat & per ſpicue comprehendit, ideo terra marique præſertim bellicis aptiſſimum eſt Telescopium: etenim in maiori diſtantia quam aliud quodpiā & per maius foramen viſus plura complectitur, nec multum laboratur quaeritando obiecta, ſtatim occurruunt Telescopii com- moditate. Idem autem Telescopium ex ſimplici cauo conſtant ſi noctu ad sydera conuertatur, coruſcant ni- mis

mis & impediunt visum, nec eadem multiplicatio vsui esse potest. Hoc Telescopio ex simplici cauo nullū in hunc diem exactius aut perfectius aut maiori vsui adinuentum, si experientia meæ fidem habes.

Supereft pars altera spicilli plana quæ lamina plana indiget, & quia spicillum lente minus est, memineris minori quoque ambitu in eadem lamina elaborandum.

Summatim de perspicillis communibus.

C A P V T X V I I I .

QVIA passim in constructione Telescopii multa occurrunt communia cum perspicillis, ideo ne saepius repeterentur, studiosi iudicio relinquuntur, præsertim quoad cautelas & diligens opus, & alia de delectu vitri, de smiri, Tripoli & cæteris.

Supereft dicere de formis, vt iuxta præscriptam portionem in tabula abscindantur, deinde vt saltem tornoe laboratas curiosus & artis studiosus habere curet.

Quoad opus perspicillorum non tanto sumptu aut cura parantur, frustula speculorū ex vna parte tantum elaboranda (cum ex altera iam sint plana) facile perficiuntur: pice commodius affiguntur quam gypso, modo ab immodico calore & frigore custodias, cæterum iisdem cautelis poliuntur qua lens.

Obseruanda christalli seu vitri crassities vt proportionalis sit figuræ: obseruanda & rotunditas, ideo habeas circinum cum cuspide adamatina vt abscindas hac ratione; In centro christalli cera affigitur laminula aut horologii rotula quæ centrū habet in quo crus circini defigito; altero crure cum adamante lineā circumducas, facile deinde erit forfice abscinderer reliquam, & ita de rotunditate, de centro non erit dubitandum.

De

*De præparatione tubi in quo lens cum spicillo
componitur.*

C A P V T X I X.

IN constructione Telecopii postquam egimus de perspicillis, & de lente, &c. incidit etiam termo de tubo, in quo lentes componuntur, pars quidem difficultis, sed tractatu & intellectu facilis si bene attendas.


Artifices & imperiti, ut res ad eorum manus venit, vñi sunt tubis ex lamina terrea, & cartaceis quæ minimo constarent, hinc primus error irrepigit circa materiam; alter deinde circa formam tubi, nam angustum & continuo æqualem producebant ignorantes visionum & radiorum naturam qui suapte natura post refractionem caui diuergunt, & ita coarctati præfocantur antequam perueniant ad lentem, ut videre licet in figura refractionis tubi in fine cap & expositione quæ adiacet, & in postrema parte vbi agitur de meo Telescopio. Gaudent ergo radii liberiori aere cum prope lentem accedunt, ex quibus deducitur ratio conficiendi tubi, primo ut materia sit lignea apta torno, quia cum tubus protrahatur ad diametrū suæ peripheriæ, talis longitudine vix aliter seruaretur rectitudo & centrorum conuenientia, quam rectissima torni opera. Secundo ut forma sit tubæ, quæ cum proprius accedit lentem, non nihil expanditur, ne radii inquam præfocentur, & quia deniq; experientia docet eandem lentem, siue spicilla huiusmodi tubo apposita commodius & perspicacius obiecta referre, quam alteri tubo, quem reuicimus, nisi quod ad experimenta sumenda cartacei necessarii sunt ut paulo post dicam.

Huic

Huic tubo tubulus alter immittitur, in quo vasculum vtrimeque perforatum claudendum, & reserandum aptatur continens cauum spicilum. Huiusmodi tubuli usus est, vt cum sit angustior, refractos ad cauum radios violenter producat; deinde noctu ad sydera conspicienda cum prolongandus sit tubus, tubulus ille educitur, & immittitur ex usu, & ex arbitrio. Diximus n. alibi determinatam concursus proportionem in Telescopio esse integrum peripheriae diametrum; & apposito spicillo vtrimeque cauo non nihil ultra prolongari, sed apposito simplici spicillo naturalem seruare proportionem; duplicato igitur semidiametro Tabulae nostrae habes mensuram Telescopii, & concursus proportionem. Alteri tubi orificio, scilicet tubae ori, aliud vasculum adaptatur vtrimeque perforatum ad continendam, & custodiendam lentem.

Foraminum, quæ refractionem tam in cauo quam in conuexo excipiunt, & coarctant, peculiaris doctrina est quam nullus Opticorum adhuc docuit aut obseruauit, tanti enim refert, vt vnum existis strictius aut laxius patet, vt inde tota refractionis perfectio pendeat. Ego hac expectatione non te fatigabo sed libere ut mei moris & ingenii est effundam quicquid experientia docuit in lente, cæterum, quoad alia spicilla mox subiciam.

H Data



Data qualibet primæ periheriæ portione ad cōueniū Telescopii, intrinsecus regulam admoueto quæ arcui æqualem subtensam in quacunque minori portione incidere poterit, inueniat. Et sit portio peripheriæ Telescopii A. B. linea recta arcui æqualis ac arcum secans in punctis C. D. hæc recta inter hæc duo puncta erit diameter foraminis lentis, vt intelligas inclinationem refractionis nullam esse in Telescopio nisi ad cœtrum.

Pari ratione inueniatur & foramen caui, sit portio peripheriæ ad cauum E.F. linea recta subtensa arcum intersecans in punctis G. H. erit diameter foraminis caui.

De

A. Pupilla oculi interior, ex qua prodit massa radiorum vehementissima (Optici axem, & perpendicularem vocant) quae irrefracta utrumque diaphanum peruidit, debilior tamen est quanto magis recedit ab oculo, sed iuatur fortis visua quae intendit a. liud sibi magis connaturale diaphanum pertransire, & videre, unde languerent antequam perturpare ideo uenirent ad lentem, nisi intensa & dolorosa vis sustinerentur. Vis igitur quae procedit a cauo protendit quidem radios ad lente conuexam, sed ubi proprius accedit, mutat naturam & vim ex natura conuexi acquirit, & quodammodo trahuntur radij aliqui suapte natura defecturi.

Interior igitur pupilla A. ea est quae radios transmittit irrefractos F. Reliqua pars oculi alios radios D. qui cauum spicillum C. egressi per foramen B. divergent, sed sustinentur natura irrefractorum radiorum, & ubi perueniunt in F. prope diaphanum sibi connaturale vi oculi, easq; adiuta

H 2 cons-



conuexi natura restringuntur versus perpendicularem & à latere F inclinant versus perpendicularem, & centrum conuexi.

Experientia id clare probat, quia in situ F. si tubo angustum foramen accommodes per quod radii strictius, & magis paralleli cogantur transire, viuidius & remotius protrahunt visum.

In eodem situ F. si aliud conuexum eiusdem naturæ & figuræ certæ & determinatae cuiusdam proportionis collocetur, auget, & proprius attrahit visibilia, sed de hoc alibi.

Alia etiam experientia confirmat hanc refractionis coarctationem, & inclinationem ad centrum seu perpendicularem à puncto F. quod diuersum est à communibus perspicillis: Nullo foramine conclusum centrum lentis, sed pateat, videbis radios in diuersum à centro declinare & querere subtilius diaphanum.

Alio etiam experimento probatur inclinatio à puncto F. lens intrinsecus cartaceo perforato tegatur, extrinsecus nullo cartaceo aut foramine tegatur, sed pateat, radij diffluunt, & visio debilior & languidior erit: Vice versa lens exirinsecus cartaceo perforato obtecta intrinsecus nullo, perinde erit & suum prestabit munus.

Obsignatur denique certissima alia experientia: Si foramen quod constituitur in puncto F. diuergentiibus radijs reuocandis protrudatur proprius lensem, visionem confundit, si demittatur à lente, perinde est ac si nullum constitueretur foramen.

Ex determinato igitur punto F. radij vi oculi, & natura conuexibili connaturalis desinunt diuergere, & versus perpendicularem restringuntur, quod necessum est fieri coarctante foramine, cuius ideo est determinata proportio.

De
H

*De Tubis cartaceis componendis ad experimenta
capienda tam lentis quam aliorum
spicillorum.*

C A P V T X X .

Habeas lignum crassitie vnius Talleri , longitudine cubitali torno diligenter politum , & æquale , extrema pars lignitamen tantillum inclinet ab æqualitate vt tubus sine vi educatur . Deinde habeas cartacea ex tribus foliis adglutinatis , hæc scindes in frusta ad eam mensuram , vt conuolui possint ligno , hoc est secundum frustum aliquantolarius primo , & tertium secundo , & sic de cæteris : Extrema qua scissa sunt , & quæ glutino crunt iungenda , cultello diligenter abrades , vt pars inferior superiori conueniat , & glutino adhæreat . Vbi primum tubum coniunxeris , loris minime retortis , ne vestigium imprimant , ligno adstringes donec exsiccatur , deinde alter superuoluendus , & iungendus & tot quot libuerit , vt tubus integer ex plurib . tubis , quorum vnu in alterū introducitur , siue ab altero educitur , produci possit in eam longitudinem quam habere volueris . His peractis , aptanda sunt orificiis cartacea instar capsulæ in quibus spicilla reponas .

Nunc inuenienda est determinata cuiusque spicilli refractio & certum foramen statuendum .

De Circino secante huic arti pernecessario .

C A P V T X X I .

Habeas necesse est circinum sequentis figuræ , antiquum est , sed à me in hunc usum accommodatum

H 3

vt

vt foramina quantum volueris angusta possis abscindere. Ex sequentibus vsum ita deprehendas, vt fatearis non minus necessarium esse hunc circinum, quam formam, tubum, vitrum & alia.


Acies scindens siue secans quam vides A. educi, & intromitti potest, quo usq; firmiter adhæreat cruri B. & angustū foramen C. circumcidat, quod aliter difficillimum es-
set: Et si bene obseruas, id pendet ex forma cruris B. & ex cuspide D. aliquanto longiori, tum ex dente E. qui sustol-
lit, & eleuat ansam F. aciei vt conueniat cum caspide circi-
ni, & angustissimū foramen exscindat ad vsum postremi Te-
lescopii: Ansa hęc cuneo G. ex aduersa parte immisso clau-
ditur & firmatur. Idcirco cū foramen volueris patere magis,
dens E. non erit amplius vsui. Et quia cuspis circini in an-
gusto, nimis longior est & profundatur, cum alioqui ita
esse necesse sit, vt angusta foramina abscindas, tunc hoc
adminiculo suffulcies, hoc est frustulo plumbi, aut corii,
quod conueniat nec excedat cruris crassitatem in puncto
H. Vtere igitur utiliter, & gratiam habe in dicinæ.

Beneficio, & ope huius circini peripherias cartaceas
exscindere, & foramina statuere perinde a corno pote-
ris, & experiri quæ nam sit mensura foraminis quam vna-
quæque refractio exigat. Deinde ad eam mensuram li-
gneum tubum, & foramina rectius & diligentius curabis
corno patari.

Atque huius tubi cartacei vsu poteris probare quælibet
spicilla, & multa inuenire, addere, aut perficere non sine
oblectamento.

XXX T V G A C

Sum-



*Summatim recensentur accidentia que interuer-
tant Telescopij opus.*

C A P V T XXII.

Absoluta Telescopii constructione operæ pretium
erit ea repetere quæ constructionem impediunt

vt

vt cum ex voto minime cesserit, memineris artifici imputare vitium, non arti. In ea enim forma quam præscripsi, seu quam ego habeo, tantum abest vt possit errari, vt centena confidere possis & plura nullo inter se discrimine.

A proportione igitur primus error, scilicet si non sit vera, & eadem cū proportione præmonstrata in Tabula.

Secundus error à forma, si non accurate, & ex præscripto elaborata sit.

Tertius error ex christallo; Noscat neceſſe eſt, qui illud tractat, & deligat, aut caſu operari.

Quartus error ex crassitie christalli, si maior vel minor sit quam ferat refractio tam caui, quam conuexi.

Quintus error in affigendo christallum capulis, si non seruetur recta constitutio centrorum.

Sextus error, si lamina ferrea plana non sit perfectissima, & cum christalli lentis partem planam siue alteram caui spicilli laboraueris, id præstes inconstanti, incerto, maiori, aut minori manus ambitu, quam ipsa postulet magnitudinis proportio.

Septimus error, si qui laborat non intelligat perspicillorum, nec Telescopii artem.

Octauus error accidere solet in abstergendo siue delendo arenulæ vestigia, si diuerso à priore ambitu formam percurras siue planam siue conuexam, siue globulum. Mathematici nonnulli in hoc falluntur, qui afferunt, eiusdem formæ partes inter se esse æquales, & ubiq; centrum constitui posse; male deinde concludunt, in qualibet parte talis formæ christallum adfricetur, eandē suscipere figuram: Hoc interest inter theoriam, & practicam, singularia artis non intelligere: Hic consideratur portio lentis, & portio formæ, an inter se sint proportionales, & quam incli-

inclinationem vtraque habent. Deinde consideratur tertium quid intercedens, materiale scilicet arenæ, & simis quæ substernuntur inæquales, & ad æqualitatem ab ipsa lente deducuntur: Hæc diligenter considerata, Ratio, Vsus & Ars ipsa docet in maiori sectione formæ minus & maius spicillum siue lentem diuersam suscipere figuram. Par ratione maius & minus spicillum maiori & minori manus ambitu diuersam quoque suscipere figuram. Cuius rei confirmatio est lamina plana, quæ ita determinata est, vt lens maiori vel minori ambitu quam proportionio exigat, perfecte plana non euadat, vt alibi demonstratum est.

Nonus error, si expoliendo, lentem aut spicillum, figuram conuexitatis quam in forma suscepit in ligno plano ammittat, necesse est enim retundi, si lignum non sit cauum ad præscriptam proportionem. Hæc fusius sparsim habes, quæ sæpius recursas, suadeo
ne quid excidat à mente
cum uti opus
fuerit.

I

PARS

P A R S T E R T I A.

Facilior alterius Telescopij fabrica monstratur.

C A P V T L.

VT arti aliquid accederet quod magis usui esset propter facilitatem, aliam Telescopii conficiendi rationem subiiciam, quæ non est ad sydera, sed ad terrestres distantias, bello etiam marique percommoda, & utilis.

Formam nihilominus eandem, quæ supra, habeas necesse est, atque globulum, & cætera omnia, præterquam laminam planā, sine qua potes negotium promouere. Habeas speculorū frusta, ex his deliges ea quæ sunt crassioris christalli, & absци des iuxta artem ad diametrum communum spicillorum, vel maiorem, si tulerit christalli crassities: Ex utraque parte, iam tersa, & polita, nitidiorē delige, alterum partem adlabora, ut suscipiat figuram. Simili opere ut cauum habeas, frustum christalli ex una parte planum qua nitidius est, relinques, alteram globulo adfricato donec pateat transuersum minoris dīgitī vnguem. Deinde beneficio circini præscripti, & copia cartaceorum, statue & circumcide foraminum mensuram, & Tubo cartaceo repone. Tubi longitudo erit totus Diameter sectionis suæ formæ, ut in lente, & Telescopium habebis quale desideratur. Id obseruabis ut in minori spicillo minor sit manus ambitus, ut saepius dixi. Cætera quæ huc spectant habet toto libro sparsim communia, indere-

pete.

De

De Admirando meo Telescopio triplici.

C A P V T III.

Vides studiose lector qua fide, qua breuitate, & claritate promissum seruauerim, Artem tradiderim, & te in ipsam perduxerim officinam. Nunc vt clarius perspicias me non mihi ipsi sed aliis natum. Celebre omni æuo futurum adinuentum, non adhuc editum, nec cuiquam præter vni amico datum, tibi reseratum eo, quisquis es virtuti addictus libenter suscepturnus, vt studii & laboris mei monumentum aliquod perpetuo apud te, & alios studiosos extet. Curiosa res est, & quamuis postea à Keplerio excogitata, & in suo libro Dioptrice demonstrata proposit. 83. de duabus lentibus, & toto tractatu de iunctis conuexis inter se problem. 86. propos. 125. quid tamen nobis contulerit, aut quid faciant ad rem nostram, peritorum iudicio relinquam. Hoc scio neminem hucusq; præstitisse ex arte. Ego non ex demonstrationib. opticis, non ex scientia sed ex innumeris experimentis hausisse fateor, sumptu, labore, & sanitatis detimento. Admirandum Telescopium (cui aliquod mirabilius adstructum iri præudio) probaui, perfeci, & licet non in longius protrahat visionem quam lens, clarius tamen, & viuidius refert obiecta, & attrahit, adeo vt picturis spiritum iniicere videatur; Laboriosum opus atque difficile, sed magnæ utilitatis, & oblectamenti. Tubus aliis breuior, bellicis utilior, & omni prospexitui commodior.

I 2 or

Ordo parandi mei Telescopij.

C A P V T III.

Primo sumes grandiorem circinum, aut si defuerit, funiculum, repetitaque Tabula nostra proportionum, ter sumes semidiametrum diuisionum, tribus diuisionibus deductis. Isti tres semidiametri tribus in quam diuisionibus deductis, erunt semidiameter peripheriae meæ proportionis; hæc tibi dabit formam, ut videre licet litera A. quæ sectionem siue magnitudinem formæ & figuram tibi monstrat.

Ad dictam igitur lineam A. limam, & duas sagmas curabis confici quarum vna explorans, altera examinans nuncupatur: lima elaborabis formā, ut proxime figuram accedat, sagmas vero trades christallario, qui eodem modo hanc formam effinget quo alteram, de qua ca. 3. 2. partis locuti sumus, & cap. 4. ut minime opus sit repetere.

Globulum ferreum deinde eo perfici curabis ad peripheriam signatam B. eadem ratione, qua dictum est in secunda parte cap. 4. cum de globulo ad peripheriam Galilæi sermo esset.

Christalla summa curiositate deligo clara, pellucida, albicantia, rara ex fractis speculis si crassities sufficerit, si minus ex fornace, laminæ christallinæ rudes, sed æquales deligendæ ex quib. abscindes lentem portionis C. quæ reducenda erit ad proportionalem crassitatem, corroendo in plana lamina quod superabundauerit.

Regulam autem dignoscendæ, & inueniendæ crassitiei in conuexis habes in cap. 8. secund. part. de lente & in cavis habes in cap. 17. secundæ partis.

His

His paratis, & cæteris quæ ad artem faciunt, duas lentes eiusdem magnitudinis & figuræ, ut litera C. in utramque partem accurate elaborabis, quarum prima, id est ea quæ extremo tubo locanda erit, totam percurret formam, siue sit corrodenda siue leuiganda: Secundam ^{Nota.} lentem quæ in medio tubo constituenda erit minori ambitu priore, & penes centrum perficies, postquam autem perfeceris, circino cum crure, cui inserta sit cuspis adamantina, circumscindes (ut docui cap. 18. secundæ part.) ad portionem communis spicilli ut tubo & vasculo perforato includi possit, sed necesse erat laborari in eadem ^{Nota.} magnitudine qua prior, ut certain & determinatam figuram, qua indiget, sortiretur.

Hanc dum circumscindes, cauebis ut centrum suo situ seruetur, aliter deludet opus, idcirco monui ut circinum ex adamantina cuspide habeas in hunc potissimum usum.

Huius secundæ lentis, si christallum nigricans fuerit, & quale docuimus in cap. 5. secund. part. optimum erit, alterius vero lentis albicans.

Supereft de cauo spicillo dicere. Caui crassities eadem erit cum lente, aut paullo crassior: Ex vtraque parte excauatur globulo iam praescripto B. sed non æqualiter; patet magis cauum ex una parte quam ex altera, quod fit, ut si indigeas maiori vel minori refractione, eam partem oculo admoueas, quæ tibi magis usui sit futura.

Postea beneficio Circini nostri secantis (cuius usus peculiaris est in hoc Telescopio, licet in cap. 21. declaretur) absindes cartacea rotunda, rursus foramina plura: Cartacea primæ magnitudinis, & foraminis signati D. tegunt extremam lentem: Cartacea rotunda secundæ magnitudinis, & foraminis signati E. tegunt cauum spicillum; Cartacea

tacea rotunda tertiae magnitudinis & foraminis signata
F. tegunt lentem in medio tubo constitutam.

Horum cartaceorum facilitate & vsu in tubo cartaceo
cubitali experimentum capies huius Telescopii admo-
uendo, & remouendo mox vnam, & alteram lentem edu-
cendo, intromittendo unum, & alterum cauum, donec
perfectionem inueniris. Tunc ligneum tubum torno, &
affabre perfici curabis ad mensuram quam in cartaceo
notaueris.


De Tubo.

C A P V T IV.

Quoad formam, & rationem tubi existimo te satis edo-
ctum ex iis quæ in cap. 19. dicta sunt, cæterum

Constat decē partibus, siue frustis, siue segmentis mu-
tuō inter se conuenientibus; Primo pars parti conuenit in
sectione G. in qua notandum est inferiorem tubi partem
dum coit cum superiore, interuallo transuersæ manus à
litera I. ad H. æqualem esse debere, nec laxiorem aut stri-
ctiorem quæri, Ratio est, quia in eo interuallo incidit lo-
cus secundæ lentis, quæ & promouetur, & demittitur, sed
eo, inquam, interuallo, nec maiore indiget, vnde euenit,
vt cumque inciderit lens, siue in superiori siue in inferio-
ri tubo, optime conuenire, quia semper proxima est ori
tubi, & aptanda, commodior & facilior.

Pars superior tubi in extremo ore K. vasculum siue ca-
psulam continet dupli tegmine utrumque perforato in
quo lens includitur. Pars inferior tubi L. adhuc tubulum
M. recipit, quieduci, & intromitti possit, de quo alibi
cum




cum de Telescopio cap. 18. verba, fecimus. Tubulus iste M. ex duabus constat frustis, quorum vnum tegmen vasculi, superius perforatum erit, in quo cauum spicillum includitur.

Lens media etiam capsulae includitur que constat duobus frustis affabre coeuntibus, haec capsula tubi parti notata I. & H. ita conueniat, ut minimo labore moueri, & remoueri possit ab inferiori parte versus superiorem, vel à superiori ad imam, ut natura refractionis postulauerit.

F I N I S.

Errata sic corrigē.

Pagina 10. vers. 17. nequaquam adde distincti. v. penultimo priori, p. 11. v. 5. offerentur leg. efferebantur, v. 21. nominis leg. numinis p. 14. v. 7. efformantur, p. 16. inuersa est figura caui p. 17. v. 17. refractione, v. 21. oculi, pa. 18. v. 17. crassitie, adde ex 22. unica, adde e. pag. 19. v. 15. mil. lege miki p. 41. v. 7. qua lege quia p. 42. v. 22 fueris leg. fuerit p. 43. v. 5. spicilli p. 48. v. 11. hyemi. hyeme.



Ber. Ausg. 12

21. Jan 1981

ca. 1800

